

अभिश्चरणमन्त्र पाठः

TABLE OF ABISRAVANAM

1.	वेदादयः	6
2.	पुरुष सूक्तं	6
3.	उत्तर नारायणं	9
4.	महा नारायणं	10
5.	ऋतं सत्यं	12
6.	रक्षोघ्नं	12
7.	रक्षोहणो वलगहनः	16
8.	सोमाय पितृमते	17
9.	उशन्तस्त्वा हवामह उशन्तः	19
10.	भक्षेहि माऽऽविश	22
11.	ध्रुवाऽसि धरुणाऽस्तृता	26
12.	अग्न उदधे या त इषु	29
13.	शिरो वा एतद् यज्ञस्य	31
14.	असावादित्यो ऽस्मिन् ल्लोक	33
15.	संततिर्वा एते ग्रहाः	36
16.	एकविंश एष भवति	39

17.	इन्द्रो वृत्रं हत्वा.....	41
18.	वैश्वदेवेन वै प्रजापतिः	45
19.	अग्नये देवेभ्यः	49
20.	उशन्तस्त्वा हवामह.....	54
21.	त्रीनाचीकेतं	56
22.	ऋचां प्राची	69

SHORT NOTE ON “ABHISRAVANAM”

Abhisravanam means dignified hearing. Abhisravana Mantra should be chanted during ceremony to forefathers like Sraadham etc. This should be chanted loudly while the Brahmins are partaking food so that these mantras are to be heard by Brahmins, who represent “Pitrus”of Sraadham ceremony. Since these Mantras are about “Pitrus”, when chanted they are pleased and depart contented after Sraadham ceremony. These Mantras will also keep the “Raakshasaas”(evil forces)/ other hindrances at bay.

Brahmins will be invited to perform Abhisravanam. They should be offered dakshina after the Sraadham for chanting Abhisravanam.

For Ekodishtam (the eleventh day of death ceremony), Sapindeekaranam (the 12th day ceremony), Maasikam, Anumaasikam, Naandi, Gaya Sraadham, 1stSraadham of the deceased(1st Death Anniversery) etc., Abhisravanam Mantra shall not to be chanted.

The Abishravana Mantras are the part of “Taittiriya Shaka” and the Mantras are from “SAMHITA” and “BRAHMANA”

Notes:This Book has been brought to you with the courtesy of some Veda learners who have collaborated to prepare this book.

Please give your feedback, comments and report errors to the e-mail id vedavms@gmail.com. We shall strive to make this book more accurate and error-free.

You may note that there are inherent “paata bedhas” when we compare various sources and books, the Taittiriya Sakhaa compiled and commented by Shri. Sayanacharya of 13th Century and Shri Bhatta Bhaskaracharya (period unknown). Their manuscript compilations were later converted into books by great Scholars. One of such sets of “Taittiriya” was printed and published during earlier 1900 A.D. at Govt. Branch Press, Mysore and another set later published under “Anandaashram Series”. These Books were referred to by us as our primary source material for this Book.

अभिश्चरणमन्त्र पाठः

We have also referred “Yaajusha Ratnaakaram” in Sanskrit and “Abisravana Mantra Pataha” in Grantha Script published in 1923 by Shri T.M. Narayana Shastri .

This book has not been prepared with any commercial purpose and is purely for studies.

Conventions used in Letters:

ॐ – is represented by (gg)

ॐ – is represented by (gm)

ॐ – is represented as anunaasikam

Notes:

”[]” is represented as the end of a “panchaati”, not a full-stop nor a sentence break. Hence donot stop the chant on the mark of “[]” and continue till a sentence break (full stop) comes.

अभिश्चरणमन्त्र पाठः

हरिः ओं

1. वेदादयः

ओं । अ॒ग्नि॒मी॒ळे॒ पु॒रो॒हि॒तं-य॒ज्ञ॒स्य॒ दे॒व॒मृ॒त्वि॒जं । हो॒ता॒रं॒ रत्न॒ धा॒त॒मं ।
इ॒षे॒त्वो॒र्जे॒त्वा वा॒य॒व॒स्स्थो॒ पा॒य॒व॒स्स्थ॒ दे॒वो॒ व॒स्स॒वि॒ता प्रा॒र्प॒य॒तु
श्रे॒ष्ठ॒त॒मा॒य॒ क॒र्म॒णे । अ॒ग्न॒ आ॒या॒हि॒ वी॒त॒ये॒ गृ॒णा॒नो॒ ह॒व्य॒दा॒त॒ये ।
नि॒हो॒ता॒ स॒थि॒स॒ ब॒र्हि॒षि॒ । श॒न्नो॒ दे॒वी॒र॒भि॒ष्ट॒य॒ आपो॑ भ॒वन्तु॑ पी॒त॒ये॑ ॥
ँ॒शं॒यो॒र॒भि॒ स्र॒व॒न्तु॒नः ॥ 1

2. पुरुष सूक्तं

T.A. 3-12-1

स॒ह॒स्र॒शी॒र्षा॒ पु॒रु॒षः॑ । स॒ह॒स्रा॒क्षः॑ स॒ह॒स्र॒पा॒त् । स॒ भूमिं॑ वि॒श्वतो॑ वृ॒त्वा ।
अ॒त्य॒ति॒ष्ठ-दृ॒शाङ्गु॒लं । पु॒रु॒ष ए॒वे॒दꣳ॑ स॒र्वं॑ ॥ यद् भू॒तं यच्च॑ भ॒व्यं॑ ॥
उ॒ता॒मृ॒त॒त्व-स्ये॑शा॒नः॑ । य॒द॒न्ने॒ना॒ति॒रो॒ह॒ति॑ । ए॒ता॒वा॒न॒स्य॑ म॒हि॒मा॒ ।
अ॒तो॒ ज्या॒याꣳश्च॑ पू॒रु॒षः॑ ॥ 1A

पादोऽस्य विश्वा भूतानि । त्रिपादस्या-मृतन्दिवि । त्रिपादूर्ध्व उदैत् पुरुषः ।

पादोस्येहा ऽऽभवात्पुनः । ततो विष्वङ् व्यक्रामत् ।

साशनानशने अभि । तस्माद् विराड जायत । विराजो अधि पूरुषः ।

स जातो अत्यरिच्यत । पश्चाद् भूमिमथो पुरः ॥ 2

यत् पुरुषेण हविषा ॥ देवा यज्ञमतन्वत । वसन्तो अस्या-सीदाज्यं ।

ग्रीष्म इद्धम-इशरद्धविः । सप्तास्यासन् परिधयः ।

त्रिस्सप्त समिधः कृताः । देवा यद् यज्ञं-तन्वानाः ।

अबद्धन् पुरुषं पशुं । तं यज्ञं बर्हिषि प्रौक्षन् । पुरुषं जातमग्रतः ॥ 3

तेन देवा अयजन्त । साद्ध्यो ऋषयश्च ये । तस्माद्यज्ञात् सर्वहुतः ।

संभृतं पृषदाज्यं । पशूँस्ताँश्चक्रे वायव्यान् । आरण्यान्-ग्राम्याश्च ये ।

तस्माद्यज्ञात् सर्वहुतः । ऋचः सामानि जज्ञिरे ।

छन्दाँसि जज्ञिरे तस्मात् । यजुस्तस्मा दजायत ॥ 4

तस्मादश्चा॑ अजायन्त॑ । ये॑ के॒ चो॒भया॑दतः । गावो॑ ह॒ जज्ञि॑रे॒ तस्मात्॑ ॥
 तस्मा॑ज्जा॒ता अजा॑वयः । यत्पुरु॑षं व्य॒दधुः॑ । क॒ति॒धा व्य॑कल्पयन् ।
 मुखं॑ कि॒मस्य॑ कौ॒ बा॒हू । का॒वूरू॑ पादा॒वुच्ये॑ते ।
 ब्रा॒ह्म॒णो॒स्य मुख॑मासीत् । बा॒हू राज॑न्यः कृ॒तः ॥ 5

ऊ॒रू तद॑स्य॒ यद्वैश्यः॑ । प॒द्भ्यां॑ शू॒द्रो अजा॑यतः ।
 च॒न्द्र॒मा मन॑सो जा॒तः । चक्षो॑-स्सूर्यो॑ अजायत । मु॒खादिन्द्र॑-श्चा॒ग्निश्च॑ ।
 प्रा॒णाद् वा॒यु-रजा॑यत । ना॒भ्या आ॑सीदन्तरि॒क्षं । शी॒र्षो द्यौः॑ समवर्तत ।
 प॒द्भ्यां भूमि॑ दि॒शः श्रो॑त्रात् । तथा॑ लो॒कां अ॑कल्पयन् ॥ 6

वे॒दाह॑मे॒तं पुरु॑षं॒ महान्तं॑ ॥ आ॒दित्य॑वर्णं॒ तम॑सस्तु पा॒रे ।
 सर्वा॑णि रू॒पाणि॑ वि॒चित्य॑ धी॒रः । नामा॑नि कृ॒त्वाभि॑वदन् यदास्ते ॥
 धा॒ता पु॒रस्ता॑-द्यमु॒दा ज॑हार । श॒क्रः प्र॑विद्वान्-प्रदि॒शश्च॑तस्रः ।
 तमे॒वं वि॑द्वानमृ॒त इ॒ह भ॑वति । नान्यः॑ पन्था॒ अय॑नाय विद्यते ।
 यज्ञे॑न॒ यज्ञ-म॑यजन्त दे॒वाः । तानि॑ धर्मा॒णि प्र॑थमान्यासन् ।
 ते॒ ह नाकं॑ महि॒मान॑स्सचन्ते । यत्र॑ पूर्वे॒ साद्द॑ध्या-स्सन्ति दे॒वाः ॥ 7

(पुरुषः पुरोऽग्रतोऽजायत कृतोऽकल्पयन्नासन्द्वे च)

3. उत्तर नारायणं

T.A. 3-13-1

अद्भ्यस्संभूतः पृथिव्यै रसाच्च । विश्वकर्मणः समवर्त्तताधि ।
 तस्य त्वष्टा विदधद्रूपमेति । तत्पुरुषस्य विश्व माजानमग्रे ।
 वेदाहमेतं पुरुषं महान्तं । आदित्य वर्णं तमसः परस्तात् ।
 तमेवं विद्वानमृत इह भवति । नान्यः पन्था विद्यतेऽयनाय ।
 प्रजापतिश्चरति गर्भे अन्तः । अजायमानो बहुधा विजायते ॥ 8

तस्य धीराः परिजानन्ति योनिं । मरीचीनां पदमिच्छन्ति वेधसः ।
 यो देवेभ्य आतपति । यो देवानां पुरोहितः । पूर्वो यो देवेभ्यो जातः ।
 नमो रुचाय ब्राह्मणे रुचं ब्राह्मञ्जनयन्तः । देवा अग्रे तदब्रुवन् ।
 यस्त्वैवं ब्राह्मणो विद्यात् । तस्य देवा असन्वशे ।
 हीश्च ते लक्ष्मीश्च पत्न्यौ । अहोरात्रे पार्श्वे । नक्षत्राणि रूपं ।
 अश्विनौ व्यात्तं । इष्टं मनिषाण । अमुं मनिषाण । सर्वं मनिषाण ॥ 9

(T.A. 3-13 -जायते वश सप्त च)

4. महा नारायणं

(T.A 10-11-1)

सहस्रशीर्षं देवं विश्वाक्षं विश्वशं भुवं ।
विश्वं नारायणं देवमक्षरं परमं पदं ।
विश्वतः परमान्नित्यं विश्वं नारायणं हरिं ।
विश्वमेवेदं पुरुष स्तद्विश्व-मुपजीवति ।
पतिं विश्वस्यात्मेश्वरं शाश्वतं शिवमच्युतं ।
नारायणं महाज्ञेयं विश्वात्मानं परायणं ।
नारायणः परो ज्योतिरात्मा नारायणः परः ।
नारायण परं ब्रह्म तत्त्वं नारायणः परः ।
नारायण परो ध्याता ध्यानं नारायणः परः ।
यच्च किञ्चिज्-जगत्सर्वं दृश्यते श्रूयतेऽपि वा ।
अन्तर्बहिश्च तत् सर्वं व्याप्य नारायणः स्थितः ॥ 10
अनन्त मव्ययं कविं समुद्रेऽन्तं विश्वशंभुवं ।
पद्मकोश-प्रतीकाशं हृदयं चाप्यधोमुखं ।

अधो॑ नि॒ष्ट्या॑ वि॒तस्त्या॑न्ते॒ नाभ्या॑मुपरि॒ तिष्ठ॑ति ।
 ज्वा॒ल॒मा॒ला॒कु॒लं॑ भा॒ती वि॒श्वस्या॑य॒तनं॑ महत् ।
 स॒न्तत॑ꣳ शि॒लाभि॑स्तु॒ लंब॑त्या॒ कौश॑स॒न्निभं॑ ।
 तस्या॑न्ते॒ सुषि॑रꣳ सू॒क्ष्मं तस्मि॑न्त् सर्वं॒ प्रति॑ष्ठितं ।
 तस्य॑ मध्ये॒ महान॑ग्नि॒ विश्वा॑र्चि॒ विश्व॑तो॒ मुखः॑ ।
 सोऽग्र॑भुग् वि॒भजन्॑ तिष्ठ॒न्नाहार॑-म॒जरः॑ क॒विः ।
 तिर्य॑गू॒र्ध्वं म॑ध॒श्शायी॑ र॒मय॑स्तस्य॒ सन्त॑ता ।
 स॒न्ताप॑यति॒ स्वं दे॒ह-मा॑पा॒दत॑ल॒ मस्त॑कः ।
 तस्य॑ मध्ये॒ वह्नि॑ शि॒खा अ॒णीयो॑र्ध्वा॒ व्यव॑स्थितः ।
 नी॒लतो॑ यद॒ मध्य॑स्थाद् वि॒द्युल्ले॑खेव॒ भास्व॑रा ।
 नी॒वार॑ शू॒कव॑त्तन्वी॒ पीता॑ भा॒स्वत्य॑णू॒पमा॑ ।
 तस्याः॑ शि॒खाया॑ म॒ध्ये पर॑मा॒त्मा व्य॑वस्थितः ।
 स ब्र॒ह्म स शि॒वः स हरिः॑ सेन्द्रः॒ सोऽक्षरः॑ पर॒मः स्व॑राट् ॥ 11
 (T.A. 10-11-1-ना॒राय॑णःस्थि॒तो व्य॑वस्थि॒तश्च॑त्वारि॒ च)

5. ऋत॑ सत्यं

(T.A.10-12-1)

ऋत॑ सत्यं परं ब्रह्म॑ पुरुषं कृष्ण॑ पिङ्गलं ।

ऊर्ध्वरे॑तं विरूपाक्षं विश्वरूपाय॑ वै नमो नमः ॥ 11-A

नाराय॑णाय विद्महे॑ वासुदे॒वाय धीमहि॑ । तन्नो॑ विष्णुः प्रचो॒दयात् ॥ 11-B

विष्णो॑र्नुकं वीर्या॑णि प्रवोचं॑ यः पार्थि॑वानि विममे॒ राजा॑सि यो

अस्क॑भाय-दुत्तर॑ सधस्थं॑ विचक्र॑माण-स्त्रेधो॑रुगायो

विष्णो॑-रराटम॑सि विष्णोः॑ पृष्ठम॑सि विष्णोः॑ इन॑प्त्रेस्थो॒ विष्णो॑-स्स्यूर॑सि

विष्णो॑ ध्रु॒वम॑सि वैष्ण॑वम॑सि विष्ण॑वे त्वा ॥ 12

6. रक्षोघ्नं

(T.S. 1-2-14)

कृणु॑ष्व पाजः॑ प्रसि॒तिन्न॑ पृथ्वीं॑ याहि॒ राजे॑ वाम॒वा इभे॑ न ।

त्रृष्वी॑मनु प्रसि॒तिं-दू॒णानो॑ऽस्ताऽसि॒ विध्य॑ रक्ष॒स स्तपि॑ष्ठैः ।

तव॑भ्रमास आशु॒या पत॑त्यनु स्पृश-धृष॑ता शोशु॒चानः॑ ।

तपू॑ष्यग्ने जु॒ह्वापतं॑-गान॑सन्दितो॒ विसृ॑ज विष्व॑ गुल्काः ।

प्रति॒स्प॒शो॒ वि॒सृ॒ज-तू॒र्णि॒ तमो॒ भवा॒ पा॒यु॒र्वि॒शो॒ अ॒स्या॒ अ॒द॒ब्धः॑ ।

यो॒ नो॑ दू॒रे॒ अ॒घ॒श॒ꣳ सो, [] 13

यो॒ अ॒न्त्य॒ग्ने॒ मा॒कि॒ष्टे॒ व्य॒थि॒रा॒ द॒ध॒र्षी॑त् ।

उ॒द॒ग्ने॒ति॒ष्ठ॒ प्र॒त्या॒ त॒नु॒ष्व॒न्य-मि॒त्राꣳ॑ ओ॒ष॒ता-त्ति॒ग्म॒हे॒ते॑ ।

यो॒ नो॑ अ॒रा॒तिꣳ॑ स॒मि॒धा॒न॒ च॒क्रे॒ नी॒चा॒त॒न्ध॒क्ष्य॒त॒ स॒न्न॒ शु॒ष्कं॑ ॥

ऊ॒र्ध्वो॑ भ॒व॒ प्र॒ति॒वि॒ध्या-ध्य॒स्म॒दा॒ वि॒ष्कृ॑णुष्व॒ दै॒व्या॒न्य॒ग्ने॑ ।

अ॒व॒स्थि॒रा॒ त॒नु॒हि॒ या॒तु॒ जू॒नां॑ जा॒मि॒म॒जा॒मिं॑ प्र॒मृ॒णी॒हि॒ श॒त्रू॒न् ।

स॒ ते, [] 14

जा॒ना॒ति॒ सु॒म॒तिं॑ य॒वि॒ष्ठ॒य॒ ई॒व॒ते॒ ब्र॒ह्म॒णे॒ गा॒तु॒मै॒रत् ।

वि॒श्वा॒न्य॒स्मै॑ सु॒दि॒ना॒नि॒ रा॒यो॒ द्यु॒म्ना॒न्य॒र्यो॑ वि॒दु॒रो॒ अ॒भि॒द्यौ॑त् ॥

सो॒द॒ग्ने॒ अ॒स्तु॒ सु॒भ॒ग॒ स्सु॒दा॒नु-र्य॑स्त्वा॒ नित्ये॑न॒ ह॒वि॒षाय॑ उ॒क्थैः॑ ।

पि॒प्री॑ष॒ति॒स्व॒ आ॒यु॒षि॒ दुरो॑णे॒ वि॒श्वे॑द॒स्मै॑ सु॒दि॒ना-सा॒ऽस॒दि॒ष्टिः॑ ।

अ॒र्चा॒मि॒ ते॒ सु॒म॒तिं॑ घो॒ष्य॒र्वा॒ख्-स्स॒न्ते॑ वा॒ वा॒ ता॒ ज॒र॒ता, [] 15

मियंगीः । स्वश्वास्त्वा सुरथा मर्जये-मास्मे क्षत्राणि धारयेर-नुद्यून् ।
 इहत्वा भूर्याचरे दुपत्मन्-दोषावस्त दीदिवाꣳ समनुद्यून् ।
 क्रीडन्तस्त्वा सुमनसस्सपेमाभि द्युम्ना तस्थिवाꣳ सौजनानां ।
 यस्त्वा-स्वश्वस्सु-हिरण्यो अग्न उपयाति वसुमता रथेन ।
 तस्य त्राता-भवसि तस्य सखा यस्त आतिथ्य मानुषग् जुजोषत् ।
 महोरुजामि , [] 16

बन्धुता वचोभिस्तन्मा पितुर्गोतमाद-न्वियाय ।
 त्वन्नो अस्य वचस-श्चिकिद्धि होतर्यविष्ठ सुक्रतो दमूनाः ।
 अस्वप्न जस्तरणाय स्सुशेवा अतन्द्रासोऽवृका अश्रमिष्ठाः ।
 तेपायवः सध्रियञ्चो निषद्याग्ने तवनः पान्त्वमूर ।
 ये पायवो मामतेयंते अग्ने पश्यन्तो अन्धंदुरिताद रक्षन् ।
 ररक्षतान्थ सुक्रतो विश्ववेदा दिप्सन्त इद्रिपवो नाह, [] 17

देभुः । त्वया वयꣳ सधन्य-स्त्वो-तास्तव प्रणीत्य श्याम वाजान् ।
 उभा शꣳ सा सूदय सत्यताते-ऽनुष्टुया कृणुह्य-हयाण ।

अ॒या ते॑ अ॒ग्ने॒ स॒मि॒धा॒ वि॒धेम॑ प्र॒ति॒स्तो॒मꣳ श॒स्य॒मा॒नं॑ गृ॒भाय॑ ।
दहा॑श॒सो र॒क्षसः॑ पा॒ह्यस्मा॑न् द्रु॒हो नि॒दो मि॒त्रम॒हो अ॒व॒घात् ।
र॒क्षो॒हणं॑ वा॒जिन॒माजि॑ घ॒र्मि मि॒त्रं प्र॒थिष्ठ॑-मु॒पया॑मि॒ शर्म॑ ।
शि॒शानो॑ अ॒ग्निः क्र॒तुभि॑-स्स॒मिद्ध॑-स्स॒नो दि॒वा , []18

स॒रिषः॑ पा॒तु॒नक्तं॑ ॥ वि॒ज्यो॒तिषा॑ बृ॒हता॑ भा॒त्यग्नि॑रा॒वि-वि॒श्वानि॑
कृ॒णुते॑ म॒हित्वा॑ । प्रा॒दे॒वी-मा॒या स्स॑ह॒ते-दु॒रे॒वा शि॒शी॑ते॒ शृंगे॑
र॒क्षसे॑ वि॒निक्षे॑ ॥ उ॒त स्वा॒नासो॑ दि॒विष॑न्त्व॒ग्ने स्ति॒ग्मायु॑धा
र॒क्षसे॑ ह॒न्त वा॑ उ । म॒दे॒चिद॑स्य॒ प्ररु॑जन्ति॒ भामा॑ न॒वर॑न्ते
प॒रिबा॑धो॒ अदे॑वीः ॥ 19

(T.S. 1-2-14 -अ॒घश॑ꣳसः स ते॑ ज॒रताꣳ रु॒जामि॑ ह॒दिवै॑क॒चत्वा॑रिꣳश॒च्च)

अभिश्चवणमन्त्र जपारंभः

7. रक्षोहणो वलगहनः

T.S. 1.3.2.1

रक्षो॑ह॒णो॑ व॒लग॒ह॒नो॑ वै॒ष्ण॒वा॒न् ख॒ना॒मी-द॒म॒हं॑ तं व॒लग॒-मु॒द्-व॒पा॒मि॒ यं
नः॑ स॒मा॒नो॑ य॒मस॒मा॒नो॑ नि॒च॒खा॒ने॒द॒मे॒न॒म॒ध॒रं॑ क॒रो॒मि॒ यो नः॑ स॒मा॒नो॑ योऽ
स॒मा॒नो॑ ऽरा॒ती॒य॒ति॑ गा॒य॒त्रेण॑ छ॒न्द॒सा ऽव॒बा॒ढो॑ व॒लगः॑ कि॒म॒त्र भ॒द्रं॑ त॒न्नौ
स॒ह॒वि॒रा॒ड॒सि॑ स॒प॒न्न॒हा स॒म्रा॒ड॒सि॑ भ्रा॒तृ॒व्य॒हा स्व॒रा॒ड॒स्य-भि॒मा॒ति॒हा
वि॒श्वा॒रा॒ड॒सि॑ वि॒श्वा॒सां॑ ना॒ष्ट्रा॒णां॑ ह॒न्ता॒ , []२०

T.S. 1.3.2.2

रक्षो॑ह॒णो॑ व॒लग॒ह॒नः॑ प्रो॒क्षा॒मि॑ वै॒ष्ण॒वा॒न्,
रक्षो॑ह॒णो॑ व॒लग॒ह॒नो॑ ऽव॒ न॒या॒मि॑ वै॒ष्ण॒वा॒न्,
य॒वो॑ ऽसि॒ य॒व॒या॒स्मद् द्वेषो॑ य॒व॒या॒रा॒ती,
रक्षो॑ह॒णो॑ व॒लग॒ह॒नो॑ ऽव॒ स्तृ॒णा॒मि॑ वै॒ष्ण॒वा॒न्,
रक्षो॑ह॒णो॑ व॒लग॒ह॒नो॑ ऽभि॒ जु॒हो॑मि॒ वै॒ष्ण॒वा॒न् ,

र॒क्षो॒ह॒णौ॑ व॒लग॒ह॒नावु॑प द॒धामि॑ वै॒ष्ण॒वी ,
र॒क्षो॒ह॒णौ॑ व॒लग॒ह॒नौ॑ पर्यू॒हामि॑ वै॒ष्ण॒वी ,
र॒क्षो॒ह॒णौ॑ व॒लग॒ह॒नौ॑ परि॑ स्तृ॒णामि॑ वै॒ष्ण॒वी ,
र॒क्षो॒ह॒णौ॑ व॒लग॒ह॒नौ॑ वै॒ष्ण॒वी ,
बृ॒ह॒न्न॒सि॑ बृ॒ह॒द्ग्रा॒वा बृ॒ह॒ती-मि॒न्द्राय॑ वा॒चं वँ॑द ॥ 21

(T.S. 1.3.2.1 to 1.3.2.2 -हन्तेन्द्राय द्वे च)

8. सोमाय पितृमते

T.S. 1.8.5.1

सो॒माय॑ पि॒तृ॒मते॑ पु॒रो॒डा॒शञ् ष॒ट्क॑पा॒लं नि॒र्व॒पति॑ पि॒तृ॒भ्यो॑ ब॒र्हि॒षद्भ्यो॑
धा॒नाः पि॒तृ॒भ्यो॑ ऽग्नि॒ष्वा॒त्तेभ्यो॑ ऽभि॒वा॒न्या॒यै दु॒ग्धे म॒न्थ-मे॒त॒त्ते त॒त ये च॑
त्वा-म॒न्वे-त॒त्ते पि॒ताम॑ह प्र॒पि॒ताम॑ह ये च॑ त्वा-म॒न्व॒त्र पि॒तरो॑ यथाभा॒गं
म॒न्द॒ध्वञ् सु॒सं॒दृ॒शं त्वा व॒यं म॑घ॒वन् म॒न्दि॒षी॒महि॑ ।
प्र॒ नूनं॑ पू॒र्ण॒व॒न्धुरः॑ स्तु॒तो या॑सि व॒शाञ् अनु॑ । यो॒जा-न्वि॑न्द्र ते॒ हरी॑ ॥ 22

T.S. 1.8.5.2.

अक्ष॑न्न-मी॑मद॒न्त ह्य॑व॒ प्रि॒या अ॑धूष॒त ।
 अस्तो॑ष॒त स्व॑भान॒वो वि॒प्रा न॑वि॒ष्टया॑ म॒ती । यो॒जान् वि॑न्द्र॒ ते ह॑री॑ ॥
 अक्ष॑न् पि॒तरो ऽमी॑मद॒न्त पि॒तरो ऽती॑तृप॒न्त पि॒तरो ऽमी॑मृज॒न्त पि॒तरः॑ ।
 प॑रे॒त पि॒तरः॑ सो॒म्या गं॑भीरैः प॒थिभिः॑ पू॒र्व्यैः ।
 अथा॑ पि॒तृन् थ्सु॑वि॒दन्ना॑ꣳ अ॒पीत॑ य॒मेन॑ ये स॒धमा॑दं म॒दन्ति॑ ।
 मनो॑ न्वा हु॒वामहे॑ नारा॒श॑ꣳसे॒न स्तो॑मे॒न पि॒तृणां॑ च॒ मन्म॑भिः ।
 आ , []23

T.S. 1.8.5.3.

नए॒तु मनः॑ पु॒नः क्र॑त्वे॒ दक्षा॑य जी॒वसे॑ ॥ ज्योक् च॒ सूर्यं॑ दृ॒शे ।
 पु॒नर्नः॑ पि॒तरो॑ मनो॒ ददा॑तु॒ दैव्यो॑ जनः । जी॒वं त्रा॑तꣳ स॒चेम॑हि ।
 यद॒न्तरि॑क्षं पृथि॒वी-मु॒त द्यां॑ य॒न्मा॑तरं पि॒तरं॑ वा जिहिꣳसि॒म ।
 अ॒ग्नि॒र्मा तस्मा॑-दे॒नसो॑ गा॒र्हप॑त्यः प्र मुञ्च॑तु॒ दुरि॑ता॒ यानि॑
 च॒कृ॒म करो॑तु॒ मा-म॑ने॒नसं॑ ॥ 24

(T.S. 1.8.5.1 to 1.8.5.3– हरि मन्मभिरा चतुश्चत्वारिंशच्च)

9. उशन्तस्त्वा हवामह उशन्तः

T.S. 2.6.12.1.

उ॒श॒न्त॒स्त्वा॑ ह॒वाम॑ह उ॒श॒न्तः॑ स॒मि॒धी॒महि॑ ।

उ॒श॒न्नु॒श॒त॑ आ॒ वह॑ पि॒तृन् ह॒विषे॑ अ॒त्तवे॑ ।

त्वञ् सो॒म प्र॑चि॒कितो॑ म॒नीषा॑ त्वञ् र॒जिष्ठ॑-म॒नु नेषि॑ प॒न्थां॑ ।

तव॑ प्र॒णीती॑ पि॒तरो॑ न इ॒न्द्रो दे॒वेषु॑ रत्न॑-म॒भज॑न्त॒ धीराः॑ ।

त्वया॑ हि नः॑ पि॒तरः॑ सो॒म पूर्वे॑ क॒र्माणि॑ च॒क्रुः प॑व॒मान॒ धीराः॑ ।

व॒न्वन्न॑वा॒तः परि॒धीञ्-र॑पो॒र्णु वी॒रेभि॑-र॒श्वै- र्म॒घवा॑ भव , []25

T.S. 2.6.12.2.

नः॑ । त्वञ् सो॒म पि॒तृभिः॑ संवि॒दानो॑ ऽनु॒ द्यावा॑पृथि॒वी आ॑ त॒तन्थ॑ ।

तस्मै॑ त इ॒न्द्रो ह॒विषा॑ वि॒धेम॑ व॒यञ् स्याम॑ प॒तयो॑ र॒यीणां॑ ।

अग्नि॑ष्वा॒त्ताः पि॒तर॑ ए॒ह ग॑च्छ॒त सदः॑ सदः॑ सद॒त सु॑प्र॒णीत॑यः ।

अ॒त्ता ह॒वीञ्षि॑ प्र॒यतानि॑ ब॒र्हिष्य॑था॒ रयि॑ञ् स॒र्ववी॑रं दधा॒तन॑ ।

ब॒र्हि॒षदः॑ पि॒तर॑ ऊ॒त्य॒र्वा॒गि॒मा वो॑ ह॒व्या च॑कृ॒मा जु॒षध्वं॑ ।

त आ॒ ग॒ता॒व॒सा श॑न्त॒मे॒ना॒था॒स्मभ्य॑ꣳ, [] 26

T.S. 2.6.12.3.

शं॑ यो॒-र॒रपो॑ दधात ।

आऽहं॑ पि॒तृन्थ् सु॒वि॒द॒त्राꣳ अ॒वि॒थ्सि॑ नपा॒तं च॑ वि॒क्र॒म॒णं च॑ वि॒ष्णोः॑ ।

ब॒र्हि॒षदो॑ ये स्व॒धया॑ सु॒तस्य॑ भजन्त॒ पित्व॑स्त॒ इहा॑गमि॒ष्ठाः ।

उ॒प॒हू॒ताः पि॒तरः॑ सो॒म्यासो॑ ब॒र्हिष्ये॑षु॒ निधि॑षु॒ प्रिये॑षु ।

त आ॒ ग॒म॒न्तु॑ त इ॒ह श्रु॑व॒न्त्वधि॑ ब्रु॒वन्तु॑ ते अ॒व॒न्त्व॒स्मान् ।

उ॒दी॒र॒ता-म॒वर॑ उ॒त्प॒रा॒स उ॒न् म॒ध्य॒माः पि॒तरः॑ सो॒म्यासः॑ । अ॒सुं, []27

T.S. 2.6.12.4.

यै॑ ई॒युर॒वृ॒का ऋ॒त॒ज्ञा॒स्ते नो॑ऽव॒न्तु॑ पि॒तरो॑ ह॒वेषु॑ ।

इ॒दं पि॒तृभ्यो॑ नमो॒ अ॒स्त्वद्य॑ ये पूर्वा॒सो य॑ उ॒प॒रा॒स ई॒युः ।

ये पा॒र्त्वि॑वे॒ रज॒स्या नि॑ष॒त्ता ये॑ वा नू॒नꣳ सु॒वृ॒ज॒ना॒सु वि॒क्षु ।

अ॒था य॒था नः॑ पि॒तरः॑ प॒रा॒सः प्र॒त्ना॒सो अ॒ग्न ऋ॒त-मा॑शु॒षा॒णाः ।

शु॒ची-द॒यन् दी॒धिति॑-मु॒क्थशा॒सः क्षामा॑ भि॒न्दन्तो॑ अ॒रुणी॑रप॒ व्रन् ।

यद॒ग्ने, []28

T.S. 2.6.12.5.

क॒व्यवा॒हन॑ पि॒तृन् यक्ष्य॑ ऋ॒तावृ॑धः । (padam:यक्षि ऋ॒तावृ॑धः)

प्र च॑ ह॒व्यानि॑ वक्ष्यसि दे॒वेभ्य॑श्च पि॒तृभ्य॑ आ ।

त्वम॒ग्न ई॒डितो॑ जा॒तवे॒दो ऽवा॑ङ्ग॒व्यानि॑ सु॒रभी॑णि कृ॒त्वा ।

प्रा॒दाः पि॒तृभ्यः॑ स्व॒धया॑ ते अ॒क्षन्न॑द्धि त्वं दे॒व प्र॑यता ह॒वींषि॑ ।

मा॒तली॑ क॒व्यैर्य॑मो अ॒ङ्गिरो॑भि बृ॒हस्प॑ति ऋ॒क्वभि॑ र्वावृ॒धानः॑ ।

याँश्च॑ दे॒वा वा॑वृ॒धुर्ये॑ च दे॒वान्थ् स्वा॒हाऽन्ये॑ स्व॒धया॑ऽन्ये म॒दन्ति॑ ॥ 29

T.S. 2.6.12.6.

इ॒मं य॑म प्र॒स्तर॑मा हि सी॒दाङ्गि॑रोभिः पि॒तृभिः॑ सँ॒विदानः॑ ।

आ त्वा॑ मन्त्राः क॒विश॑स्ता व॒हन्त्वे॑ना राजन् ह॒विषा॑ मा॒दय॑स्व ।

अ॒ङ्गिरो॑भि-रा ग॒हि य॒ज्ञिये॑भि र्य॒म वैरू॑पै-रि॒ह मा॑दयस्व ।

वि॒वस्व॑न्तँ हु॒वे यः पि॒ता ते॒ऽस्मिन् य॒ज्ञे ब॒र्हिष्या॑ नि॒षद्य॑ ।

अङ्गिरसो॑ नः॑ पि॒तरो॑ नव॒ग्वा अथ॑र्वा॒णो भृ॒गवः॑ सो॒म्यासः॑ ।

तेषाँ॑ वय॒ सु॒मतौ॑ य॒ज्ञिया॑ना-मपि॑ भ॒द्रे सो॑मनसे॒ स्याम॑ ॥ 30

(T.S 2.6.12.1 to 2.6.12.6- भ॒वास्म॑भ्यमसुं॒ यद॑ग्ने॒ मद॑न्ति

सो॒मनस॑ एकं॒ च)

10. भक्षेहि माऽऽविश

T.S. 3.2.5.1.

भक्षे॑हि माऽऽवि॒श दी॑र्घायु॒त्वाय॑ श॒न्तनु॑त्वाय॒ राय॑स्पोषाय॒ वर्च॑से
सुप्र॑जा-स्त्वाये॑हि॒ वसो॑ पु॒रोवसो॑ प्रि॒यो मे॑ ह॒दोऽस्य॑श्चि॒नोस्त्वा
बाहु॑भ्याँ स॒ध्यासं॑ नृ॒चक्ष॑सं॒ त्वा दे॑व सो॒म सु॑च॒क्षा अव॑
ख्ये॑षं म॒न्द्राऽभि॑भूतिः॒ केतु॑ र्य॒ज्ञानां॑ वाग् जु॒षाणा॑ सो॒मस्य॑
तृप्य॑तु म॒न्द्रा स्व॑र्वाच्य-दि॒ति-र॑नाहत॒ शीर्ष्णी॑ वाग् जु॒षाणा॑ सो॒मस्य॑
तृप्य॑त्वैहि॒ विश्व॑चर्षणे, []31

T.S. 3.2.5.2.

शंभू॑ र्मयो॒भूः स्व॑स्ति मा॒ हरि॑वर्ण॒ प्र च॑र क्र॒त्वे द॑क्षाय॒ राय॑स्पोषाय
सुवी॑रतायै॒ मा मा॑ राज॒न्वि बी॑भिषो॒ मा मे॑ हा॒र्दि त्वि॑षा॒ वधीः॑ ।

वृष॑णो॒ शु॒ष्मा॒याऽयु॑षे॒ वर्च॑से ।

वसु॑म॒द्र॒णस्य॑ सोम॒ देव॑ ते॒ मति॑विदः॒ प्रातः॑सवनस्य॒ गाय॑त्र॒छन्द॑स

इन्द्र॑पीतस्य॒ नरा॑श॒सपी॑तस्य॒ पितृ॑पीतस्य॒ मधु॑मत॒ उप॑हूतस्यो-पहूतो

भक्ष॑यामि॒ रुद्र॑व॒द्र॒णस्य॑ सोम॒ देव॑ ते॒ मति॑विदो॒ माद्ध्यं॑-दिनस्य॒ सवन॑स्य

त्रि॒ष्टु॒च्छन्द॑स॒ इन्द्र॑पीतस्य॒ नरा॑श॒सपी॑तस्य, [] 32

T.S. 3.2.5.3.

पितृ॑पीतस्य॒ मधु॑मत॒ उप॑हूतस्योपहूतो॒ भक्ष॑या-म्यादित्यव॒द्र॒णस्य॑ सोम॒ देव॑

ते॒ मति॑विदस्तृतीयस्य॒ सवन॑स्य॒ जग॑तीछन्दस॒ इन्द्र॑पीतस्य॒

नरा॑श॒सपी॑तस्य॒ पितृ॑पीतस्य॒ मधु॑मत॒ उप॑हूतस्योपहूतो॒ भक्ष॑यामि ।

आ॒ प्या॑यस्व॒ समे॑तु॒ ते॒ विश्व॑तः॒ सोम॑ वृ॒ष्णि॑यं ।भवा॒ वाज॑स्य॒ संग॑थे ।

हिन्व॑ मे॒ गात्रा॑ हरि॒वो॒ गणा॑न् मे॒ मा॒ वि॒ ती॑तृषः ।

शि॒वो॒ मे॒ सप्त॑र्षी॒नुप॑ तिष्ठस्व॒ मा॒ मेऽवा॑ङ् नाभि॒मति॑ , [] 33

T.S. 3.2.5.4.

गाः । अपाम॑ सोम॑-ममृ॑ता अ॒भूमा॑दर्श॒म ज्योति॑-रवि॒दाम॑ दे॒वान् ।
कि॒मस्मान् कृ॑णव॒-दरा॑तिः कि॒मु धूर्ति॑-रमृ॒त मर्त्य॑स्य ।
यन्म॑ आ॒त्मनो॑ मि॒न्दाऽभू॑दग्निस्तत् पुन॒-राहा॑र्जा॒तवे॑दा॒ विच॑र्षणिः ।
पुन॑-रग्निश्चक्षु॑-रदा॒त् पुन॑रिन्द्रो॒ बृह॑स्पतिः ।
पुन॑र्मे अ॒श्विना॑ यु॒वं चक्षु॑रा॒ धत्त॑-म॒क्ष्योः ।
इ॒ष्टय॑जुषस्ते दे॒व सोम॑ स्तु॒तस्तो॑मस्य, [34

T.S. 3.2.5.5.

श॒स्तोक्थ॑स्य॒ हरि॑वत॒ इन्द्र॑पीतस्य॒ मधु॑मत॒ उप॑हू॒तस्यो॑-प॒हूतो॑ भक्षयामि ।
आ॒पूर्याः॒ स्था॑ मा॒ पूर॑यत॒ प्र॒जया॑ च॒ धने॑न च ।
ए॒तत्ते॑ त॒त ये॒ च त्वा॑-मन्वे॒तत्ते॑ पि॒ताम॑ह॒ प्र॒पिता॑मह॒ ये च॒ त्वाम॑न्व॒त्र
पि॒तरो॑ यथाभा॒गं म॑न्दध्वं॒ नमो॑ वः पि॒तरो॑ रसा॒य नमो॑ वः पि॒तरः
शु॒ष्मा॑य॒ नमो॑ वः पि॒तरो॑ जी॒वाय॒ नमो॑ वः पि॒तरः , [35

T.S. 3.2.5.6.

स्व॒धायै॑ नमो॑ वः॒ पित॑रो म॒न्यवे॑ नमो॑ वः॒ पित॑रो घो॒राय॑ पि॒तरो॑ नमो॑
वो॒ य ए॒तस्मिन्॑ लो॒के स्थ॑ युष्मा॒स्तैऽनु॑ ये॒ ऽस्मिन्॑ लो॒के मां॑ तेऽनु॑
यए॒तस्मिन्॑ लो॒के स्थ॑ यू॒यं तेषां॑ वसि॒ष्ठा भू॒यास्त॑ ये॒ ऽस्मिन्॑ लो॒केऽहं॑
तेषां॑ वसि॒ष्ठो भू॒यासं॑ प्रजा॒पते॑ न त्वदे॒तान्य॒न्यो विश्वा॑ जा॒तानि॑
परि॑ ता ब॒भूव॑ ॥ 36

T.S. 3.2.5.7.

यत्का॑मास्ते जुहु॒मस्तन्नो॑ अस्तु॒ वय॑ ऽ स्या॒म प॑तयो रयी॒णां ।
दे॒वकृ॑तस्यै॒नसो॑ ऽव॒यज॑नमसि म॒नुष्य॑कृतस्यै॒नसो॑ ऽव॒यज॑नमसि
पि॒तृकृ॑तस्यै॒नसो॑ ऽव॒यज॑नमस्य॒फ्सु॒ धौत॑स्य सोम दे॒व ते॒ नृभिः॑
सु॒तस्ये॒ष्टय॑जुषः॒ स्तुत॑स्तोमस्य॒ शस्तो॑क्थस्य यो भ॒क्षो अ॑श्वस॒निर्यो॑
गो॒सनि॑स्तस्य ते पि॒तृभि॑ र्भक्षं॒कृत॑स्यो-प॒हूत॑स्यो-प॒हूतो॑भक्षयामि ॥ 37

(T.S 3.2.5.1 to 3.2.5.7- विश्व॒र्चष॑णो त्रि॒ष्टुप्छ॑न्दस इन्द्र॒पीत॑स्य नरा॒शं
स॒पीत॑स्याति॒ स्तुत॑स्तोमस्य जी॒वाय॑ नमो॑ वः॒ पित॑रोब॒भूव॑
चतु॑श्चारि॒सच्च)

11. ध्रुवाऽसि धरुणाऽस्तृता

T.S. 4.2.9.1.

ध्रु॒वाऽसि॑ ध॒रुणाऽस्तृ॑ता वि॒श्वक॑र्मणा सु॒कृता॑ ।

मा त्वा॑ स॒मुद्र॑ उद् व॒धीन् मा सु॑पर्णो ऽव्य॒थमा॑ना पृथि॒वीं दृ॑ह ।

प्र॒जाप॑तिस्त्वा सादयतु पृथि॒व्याः पृ॒ष्ठे व्य॑चस्वतीं प्रथ॒स्वतीं॑ प्रथोऽसि॑

पृथि॒व्यसि॑ भूर॒सि भूमि॑-रस्य-दि॒ति-रसि॑ वि॒श्वधा॑या वि॒श्वस्य॑ भुव॒नस्य॑

ध॒र्त्री पृथि॒वीं य॑च्छ पृथि॒वीं दृ॑ह पृथि॒वीं मा हि॑सी वि॒श्वस्मै॑ प्रा॒णाय॑-

पा॒नाय॑ व्या॒नायो॑-दा॒नाय॑ प्रति॒ष्ठायै॑ , [] 38

T.S. 4.2.9.2.

च॒रि॒त्राया॑ग्निस्त्वाऽभि पातु म॒ह्या स्व॒स्त्या छ॒र्दिषा॑ श॒न्तमे॑न तया

दे॒वत॑याऽङ्गि॒रस्वद् ध्रु॒वा सी॑द काण्डात् काण्डात् प्र॒रोह॑न्ती परु॒षः

परु॒षः परि॑ । ए॒वा नो॑ दूर्वे प्र तनु सहस्रेण शतेन च । या शतेन प्रतनोषि

सहस्रेण विरोहसि । तस्यास्ते देवीष्ठके विधेम हविषा वयं ।

अषाढासि सहमाना सहस्वारातीः सहस्वारातीयतः सहस्व पृतनाः
सहस्व पृतन्यतः । सहस्रवीर्या, []39

T.S. 4.2.9.3.

ऽसि सा मा जिन्व ॥ मधु वाता ऋतायते मधु क्षरन्ति सिन्धवः ।
माध्वी नः सन्त्वोषधीः । मधु नक्तमुतोषसि मधुमत् पार्थिवञ् रजः ।
मधु द्यौरस्तु नः पिता मधुमान्नो वनस्पति मधुमाञ् अस्तु सूर्यः ।
माध्वीर्गावो भवन्तु नः मही द्यौः पृथिवी च न इमं यज्ञं मिमिक्षतां ।
पिपृतां नो भरीमभिः । तद् विष्णोः परमं , []40

T.S. 4.2.9.4.

पदञ् सदा पश्यन्ति सूर्यः । दिवीव चक्षु-राततं ।
ध्रुवाऽसि पृथिवि सहस्व पृतन्यतः । स्यूता देवेभि-रमृतेनाऽगाः ।
यास्ते अग्ने सूर्ये रुच उद्यतो दिव-मातन्वन्ति रश्मिभिः ।
ताभिः सर्वाभी रुचे जनाय नस्कृधि ।

या वो देवाः सूर्ये रुचो गोष्वश्रेषु या रुचः ।

इन्द्राग्नी ताभिः सर्वाभी रुचं नो धत्त बृहस्पते । विराट्, []41

T.S. 4.2.9.5.

ज्योति-रधारयत् सम्राड् ज्योति-रधारयत् स्वराड् ज्योति-रधारयत् ।

अग्ने युक्ष्वा हि ये तवाश्वासो देव साधवः । अरं वहन्त्याश्वः ।

युक्ष्वा हि देवहूतमाञ् अश्वाञ् अग्ने रथीरिव । नि होता पूर्व्यः सदः ।

द्रप्सश्चस्कन्द पृथिवीमनु द्यामिमं च योनिमनु यश्च पूर्वः ।

तृतीयं योनिमनु संचरन्तं द्रप्सं जुहोम्यनु सप्त, []42

T.S. 4.2.9.6.

होत्राः । अभूदिदं विश्वस्य भुवनस्य वाजिनमग्ने वैश्वानरस्य च ।

अग्नि ज्योतिषा ज्योतिष्मान् रुक्मो वर्चसा वर्चस्वान् ।

ऋचे त्वा रुचे त्वा समित् स्रवन्ति सरितो न धेनाः ।

अन्त हृदा मनसा पूयमानाः । घृतस्य धारा अभि चाकशीमि ।

हिरण्ययो वेतसो मद्ध्य आसां ।

तस्मिन्त् सुपर्णो मधुकृत् कुलायी भजन्नास्ते मधु देवताभ्यः ।

तस्याऽऽसते हरयः सप्त तीरे स्वधां दुहाना अमृतस्य धारां ॥ 43

(T.S 4.2.9.1 to 4.2.9.6 - प्रतिष्ठायै सहस्रवीर्या परमँविराट् सप्त तीरे चत्वारि च)

12. अग्न उदधे या त इषुः

T.S. 5-5-9-1

अग्न उदधे या त इषु र्युवा नाम तथा नो मृड तस्यास्ते नमस्तस्यास्त
 उप जीवन्तो भूयास्माग्ने दुध्र गह्व किञ्शिल वन्य या त इषु र्युवा नाम
 तथा नो मृड तस्यास्ते नमस्तस्यास्त उप जीवन्तो भूयास्म पञ्च वा एते
 ऽग्नयो यच्चितय उदधिरेव नाम प्रथमो दुध्रो, []44

T.S. 5-5-9-2

द्वितीयो गह्वस्तृतीयः किञ्शिलश्चतुर्थो वन्यः पञ्चमस्तेभ्यो यदाहुती न
 जुहुया-दध्वर्यु च यजमानं च प्र दहेयु र्यदेता आहुती जुहोति

भा॒ग॒धे॒ये॒नै॒वै॒ना॑-ञ्छ॒म॒य॒ति॒ ना॑ऽऽ॒र्ति॒-मा॑र्छ॒त्य-ध्व॒र्यु॒र्न॒ य॒ज॒मा॒नो॒ वा॒ङ् म॑
 आ॒स॒न् न॒सोः॑ प्रा॒णो॑ ऽ॒क्ष्यो॑श्चक्षुः॒ कर्ण॑योः श्रो॒त्रं॑ बा॒हु॒वो॒ ब॒ल- मू॒रु॒वो॒रो॒जो॑
 ऽरि॒ष्ठा॑ वि॒श्वान्य॑ङ्गानि॒ तनूः॑, []45

T.S. 5-5-9-3

त॒नु॒वा॒ मे॒ स॒ह॒ न॒म॒स्ते॒ अ॒स्तु॒ मा॒ मा॑ हि॒॒सी॒र॒प॒ वा॒ ए॒त॒स्मा॒त् प्रा॒णाः॑
 क्रा॒म॒न्ति॒ यो॑ ऽग्निं॒ चि॒न्व॒न्न॒धि॒ क्रा॒म॒ति॒ वा॒ङ् म॑ आ॒स॒न् न॒सोः॑ प्रा॒ण इ॒त्या॒ह
 प्रा॒णा-ने॒वा॑ऽऽ॒त्म॒न् ध॒त्ते॒ यो॑ रु॒द्रो॒ अ॒ग्नौ॒ यो॑ अ॒प्सु॒ य ओ॑ष॒धी॒षु॒ यो॑ रु॒द्रो॑
 वि॒श्वा॒ भु॒व॒ना॑ऽऽवि॒वेश॑ तस्मै॒ रु॒द्राय॑ नमो॒ अ॒स्त्वा॒हु॒ति॒भा॒गा॒ वा॒ अ॒न्ये॒ रु॒द्रा॑
 ह॒वि॒र्भा॒गा, [] 46(padam ह॒वि॒र्भा॒गाः)

T.S. 5-5-9-4

अ॒न्ये॒ श॒त॒रु॒द्री॒य॑ हु॒त्वा॒ गा॒वी॒धु॒कं॒ च॒रु॒मे॒ते॒न॒ य॒जु॒षा॒ च॒र॒मा॒या-मि॑ष्ठ॒का॒यां
 नि॒ द॒ध्या॒द् भा॒ग॒धे॒ये-नै॒वै॒न॑ हु॒त्वा॒ श॒म॒य॒ति॒ तस्य॒ त्वै॒ श॒त॒रु॒द्री॒य॑ हु॒त-
 मि॒त्या॒हु॒ र्य॒स्यै॒त-द॒ग्नौ॒ क्रि॒य॒त इति॒ व॒स॒व॒स्त्वा॒ रु॒द्रैः॑ पु॒र॒स्ता॒त् पा॒न्तु॑

पित॑रस्त्वा॒ यम॑रा॒जानः॑ पित॑तृभि॒र्दक्षि॑णतः॒ पा॒न्त्वादि॒त्यास्त्वा॒ विश्वे॑ दे॒वैः॑
पश्चात्॑ पा॒न्तु॒ द्यु॒तान॑स्त्वा॒ मारु॑तो॒ मरु॑द्धि-रु॒त्तरतः॑ पा॒तु, []47

T.S. 5-5-9-5

दे॒वा-स्त्वेन्द्र॑ज्ये॒ष्ठा वरु॑णरा॒जानो॑ ऽध॒स्ताच्चो॑-परि॒ष्ठाच्च॑ पा॒न्तु॒ न वा ए॒तेन॑
पू॒तो न मे॑द्ध्यो॒ न प्रो॑क्षितो॒ यदे॒नमे॑तः॒ प्राची॑नं प्रो॒क्षति॑ यथ् संचि॑त-
मा॒ज्येन॑ प्रो॒क्षति॑ तेन॑ पू॒तस्तेन॑ मे॒द्ध्यस्तेन॑ प्रो॒क्षितः॑ ॥ 48

(T.S 5.5.9.1 to 5.5.9.5 - दु॒ध्रस्त॑नू॒र्हवि॑र्भागाः पा॒तुद्वा॒त्रिंश॑च्च)

13. शि॒रो वा ए॒तद् य॒ज्ञस्य॑

T.S.6-2-11-1

शि॒रो वा ए॒तद् य॒ज्ञस्य॑ यद्ध॒विर्धानं॑ प्रा॒णा उप॑रवा ह॒विर्धाने॑ खा॒यन्ते॒ तस्मा॑-
च्छी॒र्षन् प्रा॒णा अ॒धस्ता॑त् खा॒यन्ते॒ तस्मा॑-द॒धस्ता॑-च्छी॒र्षाः प्रा॒णा र॑क्षो॒हणो॑
व॒लग॑हनो॒ वैष्ण॑वान् ख॒नामी॑त्याह॒ वैष्ण॑वा हि दे॒वतयो॑परवा अ॒सुरा॑ वै
निर्य॑न्तो दे॒वानां॑ प्रा॒णेषु॑ व॒लगान्॑ न्य॒खनन्॑ तान् बा॒हुमा॑त्रे ऽन्व॒विन्दन्॑
तस्मा॑द् बा॒हुमा॑त्राः खा॒यन्त इ॒दम॒हं तं व॑लग॒मुद् व॑पामि, [] 49

T.S.6-2-11-2

यं नः समा॑नो यम॑समा॒नो नि॒च॒खा॒ने॒त्या॒ह॒ द्वौ वा॒व पु॒रु॒षौ यश्चै॑व॒ समा॑नो
यश्चा॑समा॒नो यमे॑वास्मै॒ तौ व॒ल॒गं नि॒ख॒न॒त॒स्त-मे॒वो॒द् व॒प॒ति सं तृ॑ण॒त्ति
तस्मा॑त् संतृ॒ण्णा अ॒न्त॒र॒तः प्रा॒णा न सं भि॑न॒त्ति तस्मा॑-द॒सं॒भि॒न्नाः प्रा॒णा
अ॒पो ऽव॑ न॒य॒ति तस्मा॑-दा॒र्द्रा अ॒न्त॒र॒तः प्रा॒णा य॒व॒म॒ती॒र॒व न॒य॒त्, [] 50

T.S.6-2-11-3

यूर्ग॑वै य॒वः प्रा॒णा उ॒प॒र॒वाः प्रा॒णेष्वे॒वो॒र्जं द॒धा॒ति ब॒र्हि॒र॒व स्तृ॑णा॒ति तस्मा॑ल्
-लो॒म॒शा अ॒न्त॒र॒तः प्रा॒णा आ॒ज्ये॑न॒ व्या॒घा॒र॒य॒ति ते॒जो॒ वा आ॒ज्यं प्रा॒णा
उ॒प॒र॒वाः प्रा॒णेष्वे॒व ते॒जो॒ द॒धा॒ति ह॒नू वा ए॒ते य॒ज्ञ॒स्य॒ यद॑-धि॒ष॒व॒णे न सं
तृ॒ण॒त्य॒सं॒तृ॒ण्णे हि ह॒नू अथो॑ ख॒लु दी॒र्घ॒सो॒मे सं॒तृ॒द्ये धृ॒त्यै शि॒रो वा ए॒तद्
य॒ज्ञ॒स्य॒ यद्ध॑वि॒र्धा॒नं , [] 51

T.S.6-2-11-4

प्रा॒णा उ॒प॒र॒वा ह॒नू अ॒धि॒ष॒व॒णे जि॒ह्वा च॒र्म ग्रा॒वा॒णो द॒न्ता॒ मुख॑-मा॒ह॒व॒नी॒यो
ना॒सि॒को-त्त॒र॒वे॒दि-रु॒द॒र॒ꣳ स॒दो य॒दा ख॒लु वै जि॒ह्वा॒या द॒थ॒स्व॒धि खा॒द॒त्य॒थ

मुखं गच्छति यदा मुखं गच्छ-त्यथोदरं गच्छति तस्माद्धविर्धाने चर्मन्नधि
 ग्रावभिरभिषुत्या ऽहवनीये हुत्वा प्रत्यञ्चः परेत्य सदसि भक्षयन्ति यो वै
 विराजो यज्ञमुखे दोहं वैद दुह एवै नामियं वै विराड् तस्यै त्वक् चर्मोधो
 ऽधिषवणे स्तना उपरवा ग्रावाणो वथसा ऋत्विजो दुहन्ति सोमः पयो य
 एवं वैद दुह एवैनां ॥ 52

(T.S 6.2.11.1 to 6.2.11.4 - वपामि यवमतीरव नयति हविर्धानमेव
 त्रयोविंशतिश्च)

14. असावादित्यो ऽस्मिन् ँल्लोक

T.S.7-3-10-1

असावादित्यो ऽस्मिन् ँल्लोक आसीत् तं देवाः पृष्ठैः परिगृह्यसुवर्गं
 ँल्लोक-मगमयन् परैरवस्तात् पर्यगृह्णन् दिवाकीर्त्येन सुवर्गे लोके
 प्रत्यस्थापयन् परैः परस्तात् पर्यगृह्णन् पृष्ठै-रुपावारोहन् स वा
 असावादित्यो ऽमुष्मिन् ँल्लोके परै-रुभयतः परिगृहीतो

यत् पृष्ठानि भवन्ति सुवर्गमेव तैलोकं यजमाना यन्ति परै-रवस्तात्
परि गृह्णन्ति दिवाकीर्त्येन , []53

T.S.7-3-10-2

सुवर्गे लोके प्रति तिष्ठन्ति परैः परस्तात् परि गृह्णन्ति पृष्ठै-रुपावरोहन्ति
यत् परै परस्तान् न स्युः पराञ्चः सुवर्गान् ल्लोकान् निष्पद्येरन्
यदवस्तान् न स्युः प्रजा निर्दहेयुरभितो दिवाकीर्त्यं परःसामानो भवन्ति
सुवर्ग एवैनान् ल्लोक उभयतः परि गृह्णन्ति यजमाना वै दिवाकीर्त्यं
संवत्सरः परःसामानो ऽभितो दिवाकीर्त्यं परःसामानो भवन्ति संवत्सर
एवोभयतः, []54

T.S.7-3-10-3

प्रति तिष्ठन्ति पृष्ठं वै दिवाकीर्त्यं पार्श्वे परःसामानो ऽभितो दिवाकीर्त्यं
परःसामानो भवन्ति तस्मादभितः पृष्ठं पार्श्वे भूयिष्ठा ग्रहा गृह्यन्ते भूयिष्ठं
शस्यते यज्ञस्यैव तन् मद्ध्यतो ग्रन्थिं ग्रथन्त्य-विस्रसाय सप्त गृह्यन्ते

सप्त वै शीर्षण्याः प्राणाः प्राणानेव यजमानेषु दधति यत् पराचीनानि
पृष्ठानि भवन्त्यमुमेव तैर्लोकमभ्यारोहन्ति यदिमं लोकं न , [] 55

T.S.7-3-10-4

प्रत्यवरोहेयुरुद् वा माद्येयु र्यजमानाः प्र वा मीयेरन् यत् प्रतीचीनानि
पृष्ठानि भवन्तीममेव तैर्लोकं प्रत्यवरोहन्त्यथो अस्मिन्नेव लोके प्रति
तिष्ठन्त्यनुन्मादायेन्द्रो वा अप्रतिष्ठित आसीत् स प्रजापतिमुपाधावत्
तस्मा एतमेकविंशतिरात्रं प्रायच्छत् तमाहरत् तेनायजत ततो वै स
प्रत्यतिष्ठत् ये बहुयाजिनो ऽप्रतिष्ठिता , [] 56

T.S.7-3-10-5

स्युस्तएकविंशतिरात्रमासीरन् द्वादश मासाः पञ्चर्तवस्त्रय इमे
लोका असावादित्य एकविंश एतावन्तो वै देवलोकस्तेष्वेव यथापूर्वं
प्रति तिष्ठन्त्यसावादित्यो न व्यरोचत स प्रजापतिमुपाधावत् तस्मा एत-
मेकविंशति रात्रं प्रायच्छत् तमाऽहरत् तेनायजत ततो वै सो ऽरोचत य

ए॒वं वि॒द्वाँ॒स॒ ए॒क॒वि॒ंश॒ति॒रा॒त्र-मा॒स॒ते रो॒च॒न्त॒ ए॒वै क॒वि॒ंश॒ति॒रा॒त्रो
 भ॒व॒ति रुग् वा॑ ए॒क॒वि॒ंशो॑ रु॒च॒मे॒व ग॒च्छ॒न्त्यथो॑ प्र॒तिष्ठा॒मे॒व प्र॒तिष्ठा
 ह्ये॒क॒वि॒ंशो॑ ऽति॒रा॒त्रा-व॒भितो॑ भ॒वतो॑ ब्र॒ह्म॒वर्च॑स॒स्य॒ परि॑गृहीत्यै ॥ 57

(T.S 7.3.10.1 to 7.3.10.5 - गृह्णन्ति दिवाकीर्त्यै नैवोभयतो ना प्रतिष्ठिता
 आसतएकविंशतिश्च)

15. संततिर्वा एते ग्रहाः

T.B.1-2-3-1

स॒न्त॒ति॒र्वा॒ ए॒ते॒ ग॒र्हाः॑ ॥ य॒त्परः॑ सा॒मानः॑ । वि॒षू॒वान् दि॒वा॒की॒र्त्यै॑ ॥
 यथा॑ शा॒ला॒यै॒ पक्ष॑सी । ए॒वँ सँ॑व॒थ्स॒रस्य॑ पक्ष॑सी । यदे॒तेन॑ गृह्ये॒रन् ।
 वि॒षू॒ची सँ॑व॒थ्स॒रस्य॑ पक्ष॑सी॒ व्यव॑स्रँ॒सेया॑तां । आ॒र्ति॒मा॒र्छे॒युः॑ ।
 यदे॒ते गृह्य॑न्ते ॥ यथा॑ शा॒ला॒यै॒ पक्ष॑सी॒ मद्ध्य॑मं॒ वँश॑म॒भि
 स॒मा॒य॒च्छ॒ति ॥ 58

T.B.1-2-3-2

ए॒व॒ सँ॑व॒थ्स॒रस्य॑ प॒क्ष॒सी॑ दि॒वाकी॑र्त्य॒मभि॑ संत॒न्वन्ति॑ । नाऽऽ॒र्ति॒मा॒र्छन्ति॑ ।
ए॒क॒वि॒ंश॒-म॒ह॑ भ॒वति॑ । शु॒क्रा॒ग्रा॒ ग्र॒हा॑ गृ॒ह्यन्ते॑ ।
प्र॒त्यु॒त्त॒ब्ध्यै॑ स॒य॒त्वाय॑ । सौ॒र्य॑ ए॒तद॒हः॑ प॒शु॒राल॑भ्यते ।
सौ॒र्योऽ॒ति॒ग्रा॒ह्यो॑ गृ॒ह्यते॑ । अ॒हरे॑व॒ रू॒पेण॑ स॒म॒र्द्ध॑यन्ति ।
अथो॑ अ॒ह ए॒वैष॑ ब॒लि॒ हि॒यते॑ । स॒प्तै॒त-द॑ह॒रति॒ग्रा॒ह्या॑ गृ॒ह्यन्ते॑ ॥ 59

T.B.1-2-3-3

स॒प्त॒ वै शी॑र्ष॒ण्याः॑ प्रा॒णाः । अ॒सा॒वा॒दि॒त्यः॑ शि॒रः॑ प्र॒जा॒नां॑ ।
शी॒र्ष॒न्ने॒व प्र॒जा॒नां॑ प्रा॒णान्॑ द॒धाति॑ । तस्मा॑त् स॒प्त॒शी॒र्षन्-॑ प्रा॒णाः ।
इन्द्रो॑ वृ॒त्रं॑ ह॒त्वा । अ॒सु॒रान्-प॑रा॒भाव्य॑ ।
स इ॒मान् ल्लो॑कान॒भ्यज॑यत् । तस्या॒सौ लो॒कोऽन॑भिजित आसीत् ।
तं वि॑श्व॒कर्मा॑ भू॒त्वाऽभ्य॑जयत् । यद्वै॑श्व॒कर्म॑णो॒ गृ॒ह्यते॑ ॥ 60

T.B.1-2-3-4

सुवर्गस्य लो॒कस्या॑भिजित्यै । प्र वा ए॒तेऽस्मान् ल्लो॒काच्च्य॑वन्ते ।

ये वैश्व॑कर्मणं गृह्ण॑ते । आ॒दित्यः॑श्चो गृह्य॑ते ।

इयं वा॑ अ॒दितिः॑ । अ॒स्यामे॒व प्रति॑ तिष्ठन्ति ।

अ॒न्यो॑न्यो गृह्ये॑ते । विश्वा॑न्येवा॒न्येन॑ कर्माणि कुर्वाणा यन्ति ।

अ॒स्याम॒न्येन॑ प्रति॑ तिष्ठन्ति । तावाऽप॑रार्धात् सं॒वत्सर॑स्यान्यो॑न्यो गृह्ये॑ते ।

तावु॑भौ सह॑ महाव्र॒ते गृह्ये॑ते । य॒ज्ञस्यै॑वान्तं गत्वा ।

उ॒भयो॑ लो॒कयोः॑ प्रति॑ तिष्ठन्ति । अ॒क्र्यमु॑क्थं भवति ।

अ॒न्नाद्य॑स्या वरु॒ध्यै ॥ 61

(T.B 1.2.3.1 to 1.2.3.4 - स॒माय॑च्छत्यति॒ग्राह्या॑ गृह्यन्ते॑ गृह्य॑ते

सं॒वत्सर॑स्यान्यो॑न्यो गृह्ये॑ते पञ्च च)

16. एकविंश एष भवति

T.B.1-2-4-1

एकविंश एष भवति । एतेन वै देवा एकविंशेन ।

आदित्यमित उत्तमं सुवर्गं लोक-मारोहयन् ।

स वा एष इत एकविंशः । तस्य दशावस्तादहानि । दश परस्तात् ॥

स वा एष विराज्युभयतः प्रतिष्ठितः ।

विराजि हि वा एष उभयतः प्रतिष्ठितः ।

तस्मादन्तरेमौ लोकौ यन् । सर्वेषु सुवर्गेषु लोकेष्व-भितपन्नेति ॥ 62

T.B. 1-2-4-2

देवा वा आदित्यस्य सुवर्गस्य लोकस्य । पराचो ऽतिपादादबिभयुः ।

तं छन्दोभिरदृ-हन्धृत्यै । देवा वा आदित्यस्य सुवर्गस्य लोकस्य ।

अवाचो ऽवपादादबिभयुः । तं पञ्चभी रश्मिभिरुदवयन् ।

तस्मा-देकविंशोऽहन् पञ्च दिवाकीर्त्यानि क्रियन्ते ।

र॒श॒म॒यो॒ वै॒ दि॒वा॒की॒र्त्या॒नि॒ । ये॒ गा॒य॒त्रे॒ ।

ते॒ गा॒य॒त्री॒षू॒त्त॒र॒योः॒ प॒व॒मा॒न॒योः॒ ॥ 63

T.B. 1-2-4-3

म॒हा॒दि॒वा॒की॒र्त्य॒ः॒ हो॒तुः॒ पृ॒ष्ठं॒ । वि॒कर्णं॑ ब्र॒ह्म॒सा॒मं॒ । भा॒सो॑ऽग्नि॒ष्टो॒मः॒ ।

अथै॒तानि॒ प॒रा॒णि॒ । प॒रै॒ वै॒ दे॒वा॒ आ॒दि॒त्य॒ः॒ सु॒व॒र्गं॑ लो॒क॒म॒पा॒र॒य॒न् ।

यद॒पा॒र॒य॒न् । तत्प॒रा॒णां॑ प॒र॒त्वं॒ । पा॒र॒य॒न्त्ये॒नं॒ प॒रा॒णि॒ । य॒ ए॒वं॑ वै॒द॒ ।

अथै॒तानि॒ स्प॒रा॒णि॒ । स्प॒रै॒ वै॒ दे॒वा॒ आ॒दि॒त्य॒ः॒ सु॒व॒र्गं॑ लो॒क॒म॒स्पा॒र॒य॒न् ।

यद॒स्पा॒र॒य॒न् । तथ्स्प॒रा॒णां॑ स्प॒र॒त्वं॒ ।

स्पा॒र॒य॒न्त्ये॒नं॑ स्प॒रा॒णि॒ । य॒ ए॒वं॑ वै॒द॒ ॥ 64

(T.B 1.2.4.1 to 1.2.4.3 - ऐति॑ प॒व॒मा॒न॒योः॒स्प॒रा॒णि॒ पञ्च॑ च)

17. इन्द्रो वृत्रं हत्वा

T.B.1-3-10-1

इन्द्रो वृत्रं हत्वा । असुरान् पराभाव्य । सोऽमावास्यां प्रत्यागच्छत् ।
 ते पितरः पूर्वेद्यु-रागच्छन् । पितृन् यज्ञोऽगच्छत् । तं देवाः पुनरयाचन्त ।
 तमेभ्यो न पुनरददुः । तेऽब्रुवन् वरं वृणामहे ।
 अथ वः पुनर्दास्यामः । अस्मभ्यमेव पूर्वेद्युः क्रियाता इति ॥ 65

T.B.1-3-10-2

तमेभ्यः पुनरददुः । तस्मात् पितृभ्यः पूर्वेद्युः क्रियते ।
 यत् पितृभ्यः पूर्वेद्युः करोति । पितृभ्य एव तद् यज्ञं निष्क्रीय यजमानः
 प्रतनुते । सोमाय पितृपीताय स्वधा नम इत्याह । पितुरेवाधि सोमपीथमव
 रुन्धे । न हि पिता प्रमीयमाण आहैष सोमपीथ इति ।
 इन्द्रियं वै सोमपीथः । इन्द्रियमेव सोमपीथमव रुन्धे ।
 तेनेन्द्रियेण द्वितीयां जाया-मभ्यश्नुते ॥ 66

T.B.1-3-10-3

ए॒तद्वै॑ ब्रा॒ह्मणं॑ पु॒रा वा॑ज॒श्रव॑सा वि॒दाम॑क्रन् ।
तस्मा॑त्ते द्वे॑ द्वे॑ जा॒ये अ॒भ्याक्ष॑त । यए॒वं वे॑द । अ॒भि द्वि॒तीयां॑ जा॒याम॑श्नुते ।
अ॒ग्नये॑ क॒व्यवा॑हनाय स्व॒धा नम॑ इत्याह । य ए॒व पि॒तृणा॑म॒ग्निः ।
तं प्री॑णाति । ति॒स्र आ॑हुती॒र्जुहो॑ति । त्रि॒र्निद॑धाति । षट्त् संप॑द्यन्ते ॥ 67

T.B.1-3-10-4

षड्वा॑ ऋ॒तवः॑ । ऋ॒तूने॑व प्री॒णाति॑ । तू॒ष्णीं मे॑क्षण॒माद॑धाति ।
अस्ति॑ वा॒ हि ष॒ष्ठ ऋ॒तुर्न॑ वा । दे॒वान् वै पि॒तृन् प्री॑तान् ।
म॒नुष्याः॑ पि॒तरोऽनु॑ प्रपिपते । ति॒स्र आ॑हुती॒र्जुहो॑ति । त्रि॒र्निद॑धाति ।
षट्त् संप॑द्यन्ते । षड्वा॑ ऋ॒तवः॑ ॥ 68

T.B. 1-3-10-5

ऋ॒तवः॑ ख॒लु वै दे॒वाः पि॒तरः॑ । ऋ॒तूने॑व दे॒वान् पि॒तृन् प्री॑णाति ।
तान् प्री॑तान् । म॒नुष्याः॑ पि॒तरोऽनु॑ प्रपिपते । स॒कृदा॑च्छि॒न्नं ब॒र्हिर्भ॑वति ।

स॒कृ॒दिव॑ हि॒ पि॒तरः॑ । त्रि॒र्नि॒दधा॑ति । तृ॒तीये॑ वा इ॒तो लो॒के पि॒तरः॑ ।
ता॒ने॒व प्री॑णाति । प॒रा॒डा॒व॒र्त्तते॑ ॥ 69

T.B.1-3-10-6

ह्री॒का हि॒ पि॒तरः॑ । ओ॒ष्म॒णो॑ व्या॒वृ॒त उ॒पा॒स्ते ॥ ऊ॒ष्म॒भा॒गा हि॒ पि॒तरः॑ ।
ब्र॒ह्म॒वा॒दि॒नो॑ वदन्ति । प्रा॒श्यां(३) न प्रा॒श्या(३)मि॑ति । यत् प्रा॒शनी॑यात् ।
ज॒न्य॒म॒न्न॒म॒द्यात् । प्र॒मा॒यु॒कः स्यात् । यन्न प्रा॒शनी॑यात् । अ॒ह॒विः स्यात् ॥ 70

T.B.1-3-10-7

पि॒तृ॒भ्य आ॒वृ॒श्च्ये॑त । अ॒व॒घ्नै॒यमे॑व । तन्नै॒व प्रा॑शितं नै॒वाप्रा॑शितं ।
वी॒रं वा॑ वै पि॒तरः॑ प्र॒यन्तो॑ हरन्ति । वी॒रं वा॑ ददति । द॒शां छि॑नन्ति ।
ह॒रण॒भा॒गा हि॒ पि॒तरः॑ । पि॒तृ॒ने॒व नि॒र॒व॒द॒य॒ते ।
उ॒त्तर॑ आ॒यु॒षि लो॑म छि॒न्दी॑त । पि॒तृ॒णां ह्ये॑तर्हि॒ ने॒दी॒यः ॥ 71

T.B.1-3-10-8

न॒म॒स्क्रो॑ति । न॒म॒स्का॒रो हि॒ पि॒तृ॒णां । न॒मो॑ वः पि॒तरो॑ र॒साय॑ ।
न॒मो॑ वः पि॒तरः॑ शु॒ष्मा॒य । न॒मो॑ वः पि॒तरो॑ जी॒वाय॑ ।

नमो॑ वः॑ पितरः॑ स्व॒धायै॑ ॥ नमो॑ वः॑ पितरो॑ मन्य॒वे ॥

नमो॑ वः॑ पितरो॑ घो॒राय॑ । पित॒रो नमो॑ वः॑ । य ए॒तस्मिन्॑ ल्लो॒के स्थ ॥ 72

T.B.1-3-10-9

युष्मा॑ स्तो॒ नु । येऽस्मिन्॑ ल्लो॒के । मां ते॑ नु॒ ।

यए॒तस्मिन्॑ ल्लो॒के स्थ । यू॒यं तेषां॑ वसि॒ष्ठा भूयास्त॑ । येऽस्मिन्॑ ल्लो॒के ।

अहं॑ तेषां॑ वसि॒ष्ठो भूयास॑मित्याह॑ । वसि॒ष्ठः समा॒नानां॑ भवति॑ ।

यए॒वं वि॒द्वान् पितृ॑भ्यः॑ करोति॑ । एष॑ वै म॒नुष्या॑णां॑ य॒ज्ञः ॥ 73

T.B.1-3-10-10

दे॒वानां॑ वा इ॒तरे॑ य॒ज्ञाः । तेन॑ वा ए॒तत् पितृ॑लो॒के च॑रति॑ ।

यत् पितृ॑भ्यः॑ करोति॑ । स ई॒श्वरः॑ प्र॒मेतोः॑ । प्रा॒जाप॒त्यय॒र्चा पु॒नरै॑ति॑ ।

य॒ज्ञो वै प्र॒जाप॑तिः॑ । य॒ज्ञेनै॒व सह॑ पु॒नरै॑ति॑ । न प्र॒मायु॑को भवति॑ ।

पितृ॑लो॒के वा ए॒तद् य॒जमा॑नश्चरति॑ । यत् पितृ॑भ्यः॑ करोति॑ ।

स ई॒श्वर आ॒र्त्तिमा॒र्त्तोः॑ । प्र॒जाप॑तिस्त्वा वै॒नं तत॑ उ॒न्नेतु॑-म॒र्हती॑त्याहुः॑ ।

यत् प्राजापत्ययर्चा पुनरैति । प्रजापति-रेवैनं तत उन्नयति ।

नार्त्तिमार्छति यजमानः ॥ 74

(T.B 1.3.10.1 to 1.3.10.10 - इत्यश्नुते पद्यन्ते पद्यन्ते षड्वा ऋतवो वर्त्तते
ऽहविः स्यान्नेदीयः स्थ यज्ञो यजमानश्चरति यत् पितृभ्यः करोति पञ्च
च)

18. वैश्वदेवेन वै प्रजापतिः

T.B.1-6-8-1

वैश्वदेवेन वै प्रजापतिः प्रजा असृजत । ता वरुण प्रघासै

वरुणपाशाद-मुञ्चत् । साकमेधैः प्रत्यस्थापयत् ।

त्र्यंबकै रुद्रं निरवादयत । पितृयज्ञेन सुवर्गं लोकमगमयत् ।

यद् वैश्वदेवेन यजते । प्रजाएव तद् यजमानः सृजते ।

ता वरुण प्रघासै वरुणपाशान् मुञ्चति । साकमेधैः प्रतिष्ठापयति ।

त्र्यंबकै रुद्रं निरवदयते ॥ 75

T.B.1-6-8-2

पितृ॑यज्ञेन॑ सुव॒र्गं लो॒कं ग॑मयति । दक्षि॑णतः प्रा॒चीना॑वी॒ती निर्व॑पति ।
दक्षि॑णावृद्धि॑ पितृ॑णां । अना॑दृत्य॒ तत् ।
उत्तर॑त ए॒वोप॑वी॒य निर्व॑पेत् । उ॒भये॑ हि दे॒वाश्च॑ पि॒तर॑श्चे॒ज्यन्ते॑ ॥
अथो॑ यदे॒व दक्षि॑णार्धेऽधि॑ श्रयति । तेन॑ दक्षि॑णावृत् ।
सोमा॑य पि॒तृमते॑ पु॒रोडा॑शं षट्क॑पालं॒ निर्व॑पति ।
सँव॑थ्सरो॒ वै सोमः॑ पि॒तृमान् ॥ 76

T.B.1-6-8-3

सँव॑थ्सरमे॒व प्री॑णाति । पि॒तृभ्यो॑ ब॒र्हिष॑द्भ्यो॑ धा॒नाः ।
मासा॑ वै पि॒तरो॑ ब॒र्हिष॑द् । मासा॑ने॒व प्री॑णाति । यस्मि॒न्वा ऋ॒तौ पु॑रुषः
प्र॒मीय॑ते । सोऽस्या॑मुष्मिन् लो॒के भ॑वति ।
बहु॑रूपा धा॒ना भ॑वन्ति । अ॒होरा॑त्राणा॒मभि॑जित्यै ।
पितृ॑भ्यो॑ ऽग्नि॒ष्वात् तेभ्यो॑ म॒न्थं । अ॒र्द्धमा॑सा वै पि॒तरो॑ऽग्नि॒ष्वात्ताः ॥ 77

T.B.1-6-8-4

अ॒र्द्ध॒मा॒साने॒व प्री॑णाति । अ॒भि॒वा॒न्या॒यै दु॒ग्धे॑ भवति ।
सा हि॑ पि॒तृदे॒वत्यं॑ दु॒हे । यत् पूर्णं॑ । तन् म॒नुष्या॑णां । उ॒पर्य॒र्धो दे॒वानां॑ ॥
अ॒र्द्धः पि॒तृणां॑ । अ॒र्द्ध उप॑मन्थति । अ॒र्धो हि पि॒तृणां॑ ।
ए॒कयो॑पमन्थति ॥ 78

T.B.1-6-8-5

एका॑ हि पि॒तृणां॑ । द॒क्षि॒णो॑पमन्थति । द॒क्षि॒णावृ॒द्धि पि॒तृणां॑ ।
अ॒ना॒र॒भ्यो॑पमन्थति । तद्धि॑ पि॒तृन् ग॑च्छति । इ॒मां दि॒शं वे॒दिमु॑द्धन्ति ।
उ॒भये॑ हि दे॒वाश्च पि॒तरश्चे॒ज्यन्ते॑ ॥ च॒तुः स्र॑क्ति भवति ।
स॒र्वा ह्य॒नु दि॒शः पि॒तरः॑ । अ॒खा॒ता भ॑वति ॥ 79

T.B.1-6-8-6

खा॒ता हि दे॒वानां॑ ॥ म॒द्ध्य॒तो॑ऽग्निराधीयते । अ॒न्त॒तो हि दे॒वाना॑मा॒धीय॑ते ॥
व॒र्षी॑या॒निध्म॒ इध्मा॑द् भवति व्यावृ॒त्यै । परि॑ श्रयति ।
अ॒न्त॒र्हि॒तो हि पि॒तृलो॒को म॑नुष्यलो॒कात् । यत्प॑रुषि दि॒नं ।

तद् दे॒वानां॑ । यदन्तरा॑ । तन् म॒नुष्याणां॑ ॥ 80

T.B.1-6-8-7

यथ्स॒मूलं॑ । तत् पि॒तृणां॑ । समूलं॑ ब॒र्हि भ॑वति व्यावृ॒त्त्यै ।
दक्षि॒णा स्तृ॑णाति । दक्षि॒णावृ॒द्धि पि॒तृणां॑ । त्रिः पर्ये॑ति ।
तृती॒ये वा इ॒तो लो॒के पि॒तरः॑ । ताने॒व प्री॑णाति । त्रिः पु॒नः पर्ये॑ति ।
षट्त् संप॑द्यन्ते ॥ 81

T.B.1-6-8-8

षड्वा ऋ॒तवः॑ । ऋ॒तूने॒व प्री॑णाति । यत् प्र॒स्तरं॑ थ्यजु॒षा गृ॒ह्णीयात् ।
प्र॒मायु॒को यज॑मानः स्यात् । यन्न गृ॒ह्णीयात् । अ॒नाय॒तनः॑ स्यात् ॥
तूष्णी॑मे॒व न्य॑स्येत् । न प्र॒मायु॒को भ॑वति । ना॒नाय॒तनः॑ ।
यत् त्रीन् परि॑धीन् परि॒दध्यात् ॥ 82

T.B.1-6-8-9

मृ॒त्युना॑ यज॒मानं॑ परि॑ गृ॒ह्णीयात् । यन्न परि॑ द॒ध्यात् ।
रक्षा॑सि य॒ज्ञं ह॑न्युः । द्वौ परि॑धी परि॒दधा॑ति । रक्ष॑साम॒पहत्यै॑ ।

अथो॑ मृ॒त्यो॒रेव॑ यज॒मान-मु॒त्सृ॒जति॑ ।

यत् त्री॑णि त्री॑णि ह॒वी॒ष्यु॒दाह॑रेयुः । त्रय॑स्त्रय॒ एषा॑ साकं॒ प्रमी॑येरन् ।

एकै॑क-म॒नू॒चीना॑न्यु॒दाहर॑न्ति । एकै॑क ए॒वैषा॑-म॒न्वञ्चः॑ प्रमी॑यते ।

क॒शिपु॑ क॒शिप॑व्याय । उ॒पब॑र्हण-मु॒पब॑र्हण्याय ।

आञ्ज॑न-माञ्ज॒न्याय॑ । अ॒भ्यञ्ज॑न-म॒भ्यञ्ज॒न्याय॑ ।

यथा॑भा॒गमे॒वैनान्॑ प्रीणाति ॥ 83

(T.B 1.6.8.1 to 1.6.8.9 - निर॑वदयते॒ पितृ॑मान-ग्नि॒ष्वत्ताः॑ एक॒योप॑
म॒न्थत्य॑खाता भवति म॒नुष्या॑णां प॒द्यन्ते॑ परि॒दध्यान्॑ मी॒यते॑ पञ्च च)

19. अ॒ग्नये॑ दे॒वेभ्यः॑

T.B.1-6-9-1

अ॒ग्नये॑ दे॒वेभ्यः॑ पि॒तृभ्यः॑ स॒मिध्य॑मा॒नाया॑-नु॒ब्रू॒हीत्या॑ह ।

उ॒भये॑ हि दे॒वाश्च॑ पि॒तर॑श्चै॒ज्यन्ते॑ ॥ ए॒काम॑न्वाह । ए॒का हि॑ पि॒तृणां॑ ।

त्रि॒रन्वा॑ह । त्रि॒र्हि दे॒वानां॑ । आ॒घारा॑वा॒घार॑यति । य॒ज्ञप॑रु॒षो-र॑नन्तरि॒त्यै ।

ना॒र्षेयं॑ वृ॒णीते॑ । न हो॒तारं॑ ॥ 84

T.B.1-6-9-2

॥ य॒दार्षे॑यं॒ वृणी॑त । य॒द्धो॑तारं । प्र॒मायु॑को॒ यज॑मानः स्यात् । प्र॒मायु॑को॒ होता॑ ॥
तस्मान्न॑ वृणीते । यज॑मानस्य॒ होतु॑ गोपी॒थाय॑ । अप॑ ब॒र्हिषः॑ प्रया॒जान्
यज॑ति । प्र॒जा वै ब॒र्हिः । प्र॒जा ए॒व मृ॒त्योरु॒थ्सृ॑जति ।
आज्य॑भागौ यजति ॥ 85

T.B.1-6-9-3

य॒ज्ञस्यै॒व चक्षु॑षी॒ नान्तरे॑ति । प्रा॒चीना॒वीती॑ सोमं॒ यज॑ति ।
पि॒तृदे॒वत्या॑ हि । ए॒षाऽऽहु॑तिः । पञ्च॒कृत्वो॑ ऽव॒ द्यति॑ । पञ्च॒ होता॑ दे॒वताः॑ ।
द्वे पु॒रोऽनु॒वाक्ये॑ ॥ या॒ज्या दे॒वता॑ वषट्कारः । ता ए॒व प्री॑णाति ।
सन्त॑तमव॒ द्यति॑ ॥ 86

T.B.1-6-9-4

ऋ॒तूनां॑ संतत्यै । प्रै॒वैभ्यः॑ पूर्॒वया॑ पु॒रोऽनु॒वाक्य॑याऽऽह ।
प्र॒णय॑ति द्वि॒तीय॑या । ग॒मय॑ति या॒ज्यया॑ । तृ॒तीये॑ वा इ॒तो लो॒के पि॒तरः॑ ।
अ॒ह ए॒वैनां॑ पूर्॒वया॑ पु॒रोऽनु॒वाक्य॑या॒ ऽत्यान॑यति ।

र॒त्रि॒यै॑ द्वि॒तीय॑या । ऐ॒वै॒नान्॑ या॒ज्य॑या ग॒म॒य॒ति॑ ।
द॒क्षि॒णतो॑ ऽव॒दा॒य॑ । उद॒ङ्ग॑ति॒ क्राम॑ति॒ व्यावृ॑त्त्यै ॥ 87

T.B.1-6-9-5

आ॒ स्व॒धेत्या॑श्राव॒य॒ति॑ । अ॒स्तु॑ स्व॒धेति॑ प्र॒त्याश्रा॑व॒य॒ति॑ ।
स्व॒धा न॒म इति॑ वषट्करोति । स्व॒धाका॑रो हि पि॒तृणां॑ ।
सो॒मम॑ग्रे॒ यज॑ति । सो॒मप्र॑याजा हि पि॒तरः॑ ।
सो॒मं पि॒तृम॑न्तं य॒ज॒ति॑ । सँ॒व॒थ्स॑रो वै सो॒मः पि॒तृमा॑न् ।
सँ॒व॒थ्स॑रमे॒व तद् य॑जति । पि॒तृन् ब॑र्हि॒षदो॑ यजति ॥ 88

T.B. 1-6-9-6

ये॒ वै य॑ज्वानः । ते पि॒तरो॑ ब॒र्हिष॑दः । ताने॒व तद् य॑जति ।
पि॒तृन् अ॑ग्निष्वा॒त्तान् य॑जति । ये वा अ॒य॒ज्वानो॑ गृ॒हमे॑धि॒नः ।
ते पि॒तरो॑ ऽग्निष्वा॒त्ताः ॥ ताने॒व तद् य॑जति । अ॒ग्निं क॑व्य॒वाहनं॑ य॒ज॒ति॑ ।
यए॒व पि॒तृणा॑म॒ग्निः । तमे॒व तद् य॑जति ॥ 89

T.B. 1-6-9-7

अथो यथाऽग्नि७ स्विष्टकृतं यजति । तादृगेव तत् ।
 एतत्ते तत ये च त्वामन्विति तिसृषु स्रक्तीषु निदधाति ।
 तस्मादा तृतीयात् पुरुषान्नाम न गृह्णन्ति ।
 एतावन्तो हीज्यन्ते ॥ अत्र पितरो यथाभागं मन्दध्वमित्याह ।
 ह्रीका हि पितरः । उदञ्चो निष्क्रामन्ति ।
 एषा वै मनुष्याणां दिक् । स्वामेव तद्दिशमनु निष्क्रामन्ति ॥ 90

T.B.1-6-9-8

आहवनीय-मुपतिष्ठन्ते । न्येवास्मै तद्धनुवते ।
 यथ् सत्याहवनीये ॥ अथान्यत्र चरन्ति ।
 आतमितो-रुपतिष्ठन्ते । अग्निमेवोपद्रष्टारं कृत्वा ।
 पितृन् निरवदयन्ते । अन्तं वा एते प्राणानां गच्छन्ति ॥
 य आतमितो-रुपतिष्ठन्ते । सुसंदृशं त्वा वयमित्याह ॥ 91

T.B.1-6-9-9

प्रा॒णो॒ वै सु॒सं॒दृक् । प्रा॒णमे॒वात्मन् द॑धते ।
यो॒जा॒न्वि॒न्द्र ते॒ हरी॒ इत्या॑ह । प्रा॒णमे॒व पु॒नर॑युक्त ।
अक्ष॑न्नमी॒मद॑न्त ही॒ति गा॑र्हप॒त्यमु॑प तिष्ठन्ते ।
अक्ष॑न्नमी॒मद॑न्ताथ त्वो॒पति॑ष्ठा॒मह इति॑ वावै॒तदा॑ह ।
अमी॑मदन्त पि॒तरः॑ सो॒म्या इत्य॑भि प्र॒पद्य॑न्ते ।
अमी॑मदन्त पि॒तरोऽथ॑ त्वाऽभि प्र॒पद्या॑मह इति॑ वावै॒तदा॑ह ।
अपः॑ परि॒षिञ्च॑ति । मा॒र्जय॑त्ये॒वैनान् ॥ 92

T.B.1-6-9-10

अथो॑ त॒र्पय॑त्ये॒व । तृ॒प्यति॑ प्र॒जया॑ प॒शूभिः॑ ।
यए॒वं वैद॑ । अप॑ ब॒र्हिषा॑वनू॒याजौ॑ यजति ।
प्र॒जा वै ब॒र्हिः । प्र॒जा ए॒व मृ॒त्यो॒रुथ॑सृ॒जति॑ ।
च॒तुरः॑ प्र॒याजा॑न् यजति । द्वा॒वनू॒याजौ॑ ।
षट्थ॑ संपद्यन्ते । षड्वा॑ ऋ॒तवः॑ ॥ 93

T.B. 1-6-9-11

ऋ॒तू॒ने॒व॒ प्री॑णाति । न॒ प॒त्य॒न्वा॒स्ते ॥ न॒ सँ॒या॑जयन्ति ।
यत्प॒त्य॒न्वा॒सी॒त । यथ्सँ॒या॑जये॒युः । प्र॒मा॒यु॒का॒ स्या॑त् ।
तस्मा॒न्ना॒न्वा॒स्ते ॥ न॒ सँ॒या॑जयन्ति । प॒त्न्यै॑ गो॒पी॒थाय ॥ 94

(T.B 1.6.9.1 to 1.6.9.11 - हो॒ता॒र-मा॒ज्य॑भा॒गौ॒ य॒ज॒ति॑ स॒न्त॒त॒म॒व॒ द्य॒ति॑
व्या॒वृ॒त्त्यै॑ ब॒र्हि॒षदो॑ य॒ज॒ति॑ तमे॒व॒ तद् य॒ज॒त्य॒नु॒ निष्क्राम॑न्त्या॒है॒ना॒नृ॒त॒वो॒
न॒व॒ च)

20. उ॒श॒न्त॒स्त्वा॒ ह॒वाम॑ह

T.B.2-6-16-1

उ॒श॒न्त॒स्त्वा॒ ह॒वाम॑ह आ नो॑ अ॒ग्ने॑ सु॒के॒तु॒ना ॥
त्वञ् सो॑म॒ म॒हे॒ भ॒गं॒ त्वञ् सो॑म॒ प्र॒चि॒कि॒तो॑ म॒नी॒षा ।
त्वया॒ हि॒ नः॑ पि॒तरः॑ सो॒म॒ पूर्वे॑ त्वञ् सो॑म॒ पि॒तृ॒भिः॑ सँ॒वि॒दानः॑ ।
ब॒र्हि॒षदः॑ पि॒तर॑ आऽहं॒ पि॒तृ॒न् ।
उ॒प॒हू॒ताः॑ पि॒तरो॑ऽग्नि॒ष्वा॒त्ताः॑ पि॒तरः॑ । अ॒ग्नि॒ष्वा॒त्ता॒नृ॒त॒म॒तो॑ ह॒वाम॑हे ।

नरा॒श॒से॑ सोम॒पीथं॑ च॒ आ॒शुः । ते नो॑ अ॒र्वन्तः॑ सु॒हवा॑ भवन्तु ।
शं नो॑ भवन्तु द्वि॒पदे॑ शं चतु॒ष्पदे॑ । ये अ॒ग्निष्वा॑त्ता येऽन॒ग्निष्वा॑त्ताः ॥ 95

T.B. 2-6-16-2

अ॒हो॒मुचः॑ पि॒तरः॑ सो॒म्यासः॑ । प॒रेऽव॑रेऽमृ॒तासो॑ भवन्तः ।
अधि॑ब्रुवन्तु ते अ॒वन्त्व॑स्मान् । वा॒न्यायै॑ दु॒ग्धे जु॑षमाणाः क॒रंभं॑ ।
उदी॑राणा अ॒वरे॑ प॒रे च॑ । अ॒ग्निष्वा॑त्ता ऋ॒तुभिः॑ सँवि॒दानाः॑ ।
इन्द्र॑वन्तो ह॒विरि॒दं जु॑षन्तां । यद॒ग्ने क॑व्यवाहन त्वम॒ग्न ई॒डितो॑ जा॒तवे॑दः ।
मा॒तली॑ क॒व्यैः । ये ता॑तृ॒पुर्दे॑वत्रा जे॒हमा॑नाः ।
हो॒त्रावृ॑धः स्तो॒मत॑ष्ठासो अ॒र्कैः । आऽग्ने॑ याहि सु॒विद॑त्रे॒भिर॒वाङ् ।
स॒त्यैः क॒व्यैः पि॒तृभि॑ घ॒र्मस॑द्भिः । ह॒व्यवा॑हम॒जरं॑ पुरु॒प्रियं॑ ।
अ॒ग्निं घृ॑तेन ह॒विषा॑ स॒पर्य॑न् । उपा॑सदं क॒व्यवा॑हं पि॒तृणां॑ ।
स नः॑ प्र॒जां वी॑रवती॒ समृ॑ण्वतु ॥ 96

(T.B 2.6.16.1 to 2.6.16.2 -अनग्निष्वात्ता जेहमानाः सप्त च)

21. त्रीनाचीकेतं

T.B. 3-11-7.1

अयं वाव यः पवते । सोऽग्निर्नाचिकेतः । स यत् प्राङ् पवते ।
तदस्य शिरः । अथ यद् दक्षिणा । स दक्षिणः पक्षः ।
अथ यत् प्रत्यक् । तत् पुच्छं । यद् दुदङ् । स उत्तरः पक्षः ॥ 97

T.B. 3-11-7.2

अथ यथ् सँवाति । तदस्य समञ्चनं च प्रसारणं च ।
अथो संपदेवास्य सा । सँ ह वा अस्मै स कामः पद्यते ।
यत् कामो यजते । योऽग्निं नाचिकेतं चिनुते ।
य उ चैनमेवं वेद । यो ह वा अग्नेर्नाचिकेतस्यायतनं प्रतिष्ठां वेद ।
आयतनवान् भवति । गच्छति प्रतिष्ठां ॥ 98

T.B. 3-11-7.3

हिरण्यं वा अग्नेर्नाचिकेतस्यायतनं प्रतिष्ठा । य एवं वेद ।
आयतनवान् भवति । गच्छति प्रतिष्ठां ।

यो ह वा अग्नेर्नाचिकेतस्य शरीरं वेद । सशरीर एव स्वर्गं लोकमेति ।
हिरण्यं वा अग्नेर्नाचिकेतस्य शरीरं । य एव वेद ।
सशरीर एव स्वर्गं लोकमेति ।
अथो यथा रुक्म उत्-तप्तो भाय्यात् ॥ 99

T.B. 3-11-7.4

एवमेव स तेजसा यशसा । अस्मिञ्च लोके -ऽमुष्मिञ्च भाति ।
उरवो ह वै नामैते लोकाः । ये ऽवरेणादित्यं ।
अथ हैते वरीयाञ्चो लोकाः । ये परेणादित्यं ।
अन्तवन्तञ्च ह वा एष क्षय्यं लोकं जयति । यो ऽवरेणादित्यं ।
अथ हैषो ऽनन्त-मपार-मक्षय्यं लोकं जयति । यः परेणादित्यं ॥ 100

T.B. 3-11-7.5

अनन्तञ्च ह वा अपार-मक्षय्यं लोकं जयति । योऽग्निं नाचिकेतं चिनुते ।
य उ चैन-मेवं वेद । अथो यथा रथे तिष्ठन् पक्षसी पर्यावर्तमाने
प्रत्यपेक्षते ॥ एव-महोरात्रे प्रत्यपेक्षते ॥

नास्याहोरात्रे लोकमाप्नुतः । योऽग्निं नाचिकेतं चिनुते ।

य उ चैन-मेवं वेद ॥ 101

(T.B. 3-11-7-1 to T.B. 3-11-7-5 उत्तरः पक्षो गच्छति प्रतिष्ठां
भाय्याद्यः परेणादित्य-मष्टौ च)

T.B. 3-11-8.1

उशन् ह वै वाजश्रवसः सर्ववेदसं ददौ ।

तस्य ह नचिकेता नाम पुत्र आस ।

तञ् ह कुमारञ् सन्तं । दक्षिणासु नीयमानासु श्रद्धा विवेश ।

स होवाच । तत कस्मै मां दास्यसीति ।

द्वितीयं तृतीयं । तञ् ह परीत उवाच ।

मृत्यवे त्वा ददामीति । तञ् ह स्मो-त्थितं वागभि-वदति ॥ 102

T.B. 3-11-8-2

गौतम कुमार-मिति । स होवाच । परेहि मृत्यो गृहान् ।

मृत्यवे वै त्वाऽदा-मिति । तं वै प्रवसन्तं गन्ता-सीति होवाच ।

तस्य॑ स्म॒ तिस्रो॑ रात्री-रना॒श्वान् गृहे॑ वसतात् ।
 स यदि॑ त्वा पृच्छेत् । कु॒मार॑ कति॒ रात्री-रवा॑त्सी-रिति॑ ।
 तिस्र॑ इति॒ प्रति॑ ब्रूतात् । किं॑ प्रथ॒माꣳ रात्रि॑-मा॒श्ना इति॑ ॥ 103

T.B. 3-11-8-3

प्रजां॑ त इति॑ । किं॑ द्वि॒तीया-मि॒ति पशूꣳस्त॑ इति॑ ।
 किं॑ त्रि॒तीया-मि॒ति साधु॑कृत्यां॒ त इति॑ । तं॑ वै प्रवसन्तं॑ जगाम ।
 तस्य॑ ह तिस्रो॑ रात्री-रना॒श्वान् गृहे॑ उवास । त-मा॒गत्य॑ पप्रच्छ ।
 कु॒मार॑ कति॒ रात्री-रवा॑त्सी-रिति॑ । तिस्र॑ इति॒ प्रत्यु॑वाच ॥ 104

T.B. 3-11-8-4

किं॑ प्रथ॒माꣳ रात्रि॑-मा॒श्ना इति॑ । प्रजां॑ त इति॑ । किं॑ द्वि॒तीया-मि॒ति ।
 पशूꣳस्त॑ इति॑ । किं॑ त्रि॒तीया-मि॒ति साधु॑कृत्यां॒ त इति॑ ।
 नम॑स्तो अस्तु॒ भगव॑ इति॒ हो-वाच॑ । वरं॑ वृणीष्वे-ति॑ ।
 पि॒तर-मे॒व जीव॑-न्नया॒नीति॑ । द्वि॒तीयं॑ वृणीष्वे-ति॑ ॥ 105

T.B. 3-11-8-5

इ॒ष्टा॒पूर्त्तयो॒ मे ऽक्षि॑तिं॒ ब्रू॒हीति॑ हो॒वाच॑ । तस्मै॑ है॒तम॒ग्निं॑ ना॒चिके॑त-मु॒वाच॑ ।
 ततो॒ वै तस्ये॑-॒ष्टापूर्त्ते॑ ना॒ क्षीये॑ते । नास्ये॑-॒ष्टापूर्त्ते॑ क्षीये॑ते ।
 योऽग्निं॑ ना॒चिके॑तं चि॒नुते॑ । य उ॑ चैन-मे॒वं वे॑द ।
 तृ॒तीयं॑ वृ॒णीष्वे-ति॑ । पु॒न मृ॑त्यो मे॒ ऽपजि॑तिं॒ ब्रू॒हीति॑ हो॒वाच॑ ।
 तस्मै॑ है॒तम॒ग्निं॑ ना॒चिके॑त-मु॒वाच॑ ।
 ततो॒ वै सोऽप॑ पु॒न मृ॑त्यु-म॒जयत् ॥ 106

T.B. 3-11-8-5

अप॑ पु॒न मृ॑त्युं ज॒यति॑ । योऽग्निं॑ ना॒चिके॑तं चि॒नुते॑ ।
 य उ॑ चैन-मे॒वं वे॑द । प्र॒जाप॑तिर्वै प्र॒जाका॑म-स्तपो॑ऽत॒प्यत॑ ।
 स हि॑रण्य-मु॒दास्य॑त् । त-द॒ग्नौ प्रा॑स्यत् ।
 त-द॒स्मै ना॑च्छद॒यत् । तद् द्वि॒तीयं॑ प्रा॒स्यत् ।
 त-द॒स्मै नै-वा॑च्छद॒यत् । तत् तृ॒तीयं॑ प्रा॒स्यत् ॥ 107

T.B. 3-11-8-6

त-दस्मै॑ नै॒वाच्छ॑दयत् । त-दा॒त्म-॒न्ने॒व हृ॑द॒य्येऽ॒ग्नौ॑ वै॒श्वान॑रे प्रास्यत् ।
त-दस्मा॑ अ॒च्छद॑यत् । तस्माद् हिर॑ण्यं क॒निष्ठं॑ ध॒नानां॑ ।
भुञ्ज॑त् प्रि॒यत॑मं । हृ॒दय॑जꣳ हि । स॒ वै तमे॒व ना॑विन्दत् ।
यस्मै॑ तां दक्षि॑णा-म॒नेष्य॑त् । ताꣳ स्वा॒यैव॑ ह॒स्ताय॑ दक्षि॑णायानयत् ।
तां प्र॒त्यगृ॑ह्णात् ॥ 108

T.B. 3-11-8-7

दक्षाय॑ त्वा दक्षि॑णां प्र॒तिगृ॑ह्णामीति । सो ऽदक्ष॑त दक्षि॑णां प्र॒तिगृ॑ह्य ।
दक्ष॑ते ह॒ वै दक्षि॑णां प्र॒तिगृ॑ह्य । य॒ एवं॑ वैद ।
ए॒तद्ध॑ स्म॒ वै तद् वि॒द्वाꣳसो॑ वा॒जश्र॑वसा॒ गोत॑माः ।
अ॒प्यनू॑देश्यां दक्षि॑णां प्र॒तिगृ॑ह्णन्ति ।
उ॒भये॑न॒ वयं॑ दक्षि॑ष्यामह॒ एव॑ दक्षि॑णां प्र॒तिगृ॑ह्येति ।
ते ऽदक्ष॑न्त दक्षि॑णां प्र॒तिगृ॑ह्य । दक्ष॑ते ह॒ वै दक्षि॑णां प्र॒तिगृ॑ह्य ।
य॒ एवं॑ वैद । प्र॒ हान्यं॑ ँली॒नाति॑ ॥ 109

(T.B. 3-11-8-1 to T.B. 3-11-8-8 वदत्याश्ना इतुवाच द्वितीयं वृणीष्वे-
त्यजयत् तृतीयं प्रास्यत् गृह्णात् य एवं वैदैकं च)

T.B. 3-11-9-1

त॒है॒त-मे॒के॑ प॒शु॒बन्ध॑ ए॒वो-त्त॑र॒वे॒द्यां॑ चि॒न्वते॑ ।

उ॒त्त॒र॒वे॒दि॑ स॒म्मित॑ ए॒षोऽग्नि॑रिति॒ वद॑न्तः ।

तन्न॑ तथा॒ कुर्या॑त् । ए॒त-म॒ग्निं॑ का॒मेन॑ व्य॒र्द्धये॑त् ।

स॒ए॒नं॑ का॒मेन॑ व्य॒र्द्धः॑ । का॒मेन॑ व्य॒र्द्धये॑त् ।

सौ॒म्ये॒ वावै॑-न॒मध्व॑रे चि॒न्वीत॑ । यत्र॑ वा भू॒यिष्ठा॑ आ॒हु॒तयो॑ हू॒येरन्॑ ।

ए॒त-म॒ग्निं॑ का॒मेन॑ स॒म॒र्द्धय॑ति । स॒ ए॒नं॑ का॒मेन॑ स॒म॒र्द्धः॑ ॥ 110

T.B. 3-11-9-2

का॒मेन॑ स॒म॒र्द्धय॑ति । अथ॑ है॒नं॑ पु॒र॒र्षयः॑ ।

उ॒त्त॒र॒वे॒द्या-मे॒व॑ स॒त्रिय॑-मचि॒न्वत॑ । ततो॑ वै तेऽवि॒न्दन्त॑ प्र॒जां ।

अभि॑ स्व॒र्गं॑ लो॒क-म॑जयन् । वि॒न्दत॑ ए॒व प्र॒जां ।

अभि॑ स्वर्गं॑ लो॒कं॑ ज॒यति॑ । यो॑ ऽग्निं॑ नाचि॒केतं॑ चि॒नुते॑ ।
य उ॑ चैन-मे॒वं वे॑द । अथ॑ है॒नं वा॑यु ऋ॒द्धि॑कामः ॥ 111

T.B. 3-11-9-3

यथा॑न्यु॒प्त-मे॒वोप॑दधे । ततो॑ वै स ए॒ता-मृ॒द्धि-मा॑द्ध॒र्नोत् ।
या-मि॒दं वा॑यु ऋ॒द्धः । ए॒ता-मृ॒द्धि-मृ॑द्ध॒र्नोति॑या-मि॒दं वा॑यु ऋ॒द्धः ।
यो॑ऽग्निं॑ नाचि॒केतं॑ चि॒नुते॑ । य उ॑ चैन-मे॒वं वे॑द ।
अथ॑ है॒नं गो॑ब॒लो वा॑र्ष्णः प॒शु॒का॒मः । पा॑क्त-मे॒व चि॑क्ये ।
पञ्च॑ पु॒रस्ता॑त् ॥ 112

T.B. 3-11-9-4

पञ्च॑ दक्षि॒णतः॑ । पञ्च॑ प॒श्चात् । पञ्चो॑त्तरतः॑ । ए॒कां म॑द्ध्यै॑ ॥
ततो॑ वै स स॒हस्रं॑ प॒शून् प्रा॑प्नोत् । प्र स॒हस्रं॑ प॒शू-ना॑प्नोति ।
यो॑ऽग्निं॑ नाचि॒केतं॑ चि॒नुते॑ । य उ॑ चैन-मे॒वं वे॑द ।
अथ॑ है॒नं प्र॒जा॒पति॑ ज्यै॒ष्ठ्य॒कामो॑ यश॒स्का॒मः । प्र॒जन॑नकामः ।
त्रि॒वृ॒त-मे॒व चि॑क्ये ॥ 113

T.B. 3-11-9-5

सप्त॑ पुरस्तात्॑ । तिस्रो॑ दक्षिणतः॑ । सप्त॑ पश्चात्॑ । तिस्र॑ उत्तरतः॑ ।
एकां॑ मद्ध्ये॑ ॥ ततो॑ वै स प्र यशो॑ ज्यैष्ठ्य-माप्नोत्॑ । एतां॑ प्रजातिं॑
प्राजायत॑ । यामिदं॑ प्रजाः॑ प्रजायन्ते॑ । त्रिवृद् वै ज्यैष्ठ्यं॑ ॥

माता॑ पिता॑ पुत्रः॑ ॥ 114

T.B. 3-11-9-6

त्रिवृत्॑ प्रजननं॑ । उपस्थो॑ योनि॑ मद्ध्यमा॑ ।
प्र यशो॑ ज्यैष्ठ्य-माप्नोति॑ । एतां॑ प्रजातिं॑ प्रजायते॑ ।
या-मिदं॑ प्रजाः॑ प्रजायन्ते॑ । योऽग्निं॑ नाचिकेतं॑ चिनुते॑ ।
य उ॑ चैन-मेवं॑ वेद॑ । अथ॑ हैन-मिन्द्रो॑ ज्यैष्ठ्यकामः॑ ।
ऊर्ध्वा॑ एवो-पदधे॑ । ततो॑ वै स ज्यैष्ठ्यमगच्छत्॑ ॥ 115

T.B. 3-11-9-7

ज्यैष्ठ्यं॑ गच्छति॑ । योऽग्निं॑ नाचिकेतं॑ चिनुते॑ ।
य उ॑ चैन-मेवं॑ वेद॑ । अथ॑ हैन-मसावादित्यः॑ स्वर्गकामः॑ ।

प्राची-रेवोपदधे । ततो वै सोऽभि स्वर्गं लो॒क-मजयत् ।
 अभि स्वर्गं लो॒कं जयति । योऽग्निं नाचिकेतं चि॒नुते ।
 य उ॑ चैन-मे॒वं वे॒द । स यदीच्छेत् ॥ 116

T.B. 3-11-9-8

ते॒जस्वी॑ य॒शस्वी॑ ब्र॒ह्मव॑र्चसी स्या-मिति । प्रा॒डा हो॒तु द्वि॒ष्या-दु॒थ्स॑र्पेत् ।
 ये॒यं प्रा॒गाद् य॒शस्व॑ती । सा मा॒ प्रो॒र्णो॑तु ।
 ते॒जसा॑ य॒शसा॑ ब्र॒ह्मव॑र्चसे-नेति ।
 ते॒जस्-व्ये॑व य॒शस्वी॑ ब्र॒ह्मव॑र्चसी भवति । अथ॒ यदी॑च्छेत् ।
 भू॒यिष्ठं॑ मे॒ श्रद्-द॑धीरन् । भू॒यिष्ठा॑ दक्षिणा नयेयु-रिति ।
 दक्षिणा॑सु नी॒यमा॑नासु प्रा॒च्येहि॑ प्रा॒च्येही॑-ति प्राची॑ जुषाणा
 वे॒त्वाज्य॑स्य॒ स्वाहे॑ति॒ सु॒वे॒णो-प॑हत्या॒ हव॑नीये॒ जुहु॑यात् ॥ 117

T.B. 3-11-9-9

भूयिष्ठ-मेवास्मै श्रद्-दधते । भूयिष्ठा दक्षिणा नयन्ति ।

पुरीष-मुपधाय । चितिक्लृप्तिभि - रभिमृश्य ।

अग्निं प्रणीयो-पसमाधाय । चतस्र एता आहुती जुहोति ।

त्वमग्ने रुद्र इति शतरुद्रीयस्य रूपं । अग्ना-विष्णू इति वसोर्धारायाः ।

अन्नपत इत्यन्न होमः । सप्त ते अग्ने समिधः सप्त जिह्वा

इति विश्वप्रीः ॥ 118

(T.B. 3-11-9-1 to T.B. 3-11-9-8 समृद्ध ऋद्धिकामः पुरस्तात् चिक्ये पुत्रो
ऽगच्छ-दिच्छेत् जुहुयात् विश्वप्रीः)

T.B. 3-11-10-1

यां प्रथमा-मिष्टका-मुपदधाति । इमं तया लोक-मभि जयति ।

अथो या अस्मिन् लोके देवताः ।

तासां सायुज्यं सलोकता-माप्नोति ।

यां द्वितीया-मुपदधाति । अन्तरिक्षलोकं तया-ऽभिजयति ।

अथो या अन्तरिक्ष लोके देवताः ।

तासां॑ सायुज्यं॑ सलोकता॑-माप्नोति । यां तृतीया॑-मुपदधाति ।
अमुं॑ तया॑ लोक-मभिजयति ॥ 119

T.B. 3-11-10-2

अथो॑ या अमुष्मिन्॑ लोके॑ देवताः॑ ।

तासां॑ सायुज्यं॑ सलोकता॑-माप्नोति ।

अथो॑ या अमू-रितरा॑ अष्टादश॑ । य एवामी॑ उरवश्च॑ वरीयांसश्च॑ लोकाः॑ ।

तानेव॑ ताभि-रभिजयति॑ ।

कामचारो॑ ह वा अस्योरुषु॑ च वरीयस्सु॑ च लोकेषु॑ भवति ।

योऽग्निं॑ नाचिकेतं॑ चिनुते॑ । य उ चैन-मेवं॑ वेद॑ ।

सँवथ्सरो॑ वा अग्नि॑र्नाचिकेतः॑ । तस्य॑ वसन्तः॑ शिरः॑ ॥ 120

T.B. 3-11-10-3

ग्रीष्मो॑ दक्षिणः॑ पक्षः॑ । वर्षा॑ उत्तरः॑ ।

शरत् पुच्छं॑ । मासाः॑ कर्मकाराः॑ ।

अहोरात्रे॑ शतरुद्रीयं॑ । पर्जन्यो॑ वसोर्धारा॑ ।

यथा वै पर्जन्यः सुवृष्टं वृष्ट्वा । प्रजाभ्यः सर्वान् कामान्त् संपूरयति ।
 एव-मेव स तस्य सर्वान् कामान्त् संपूरयति ।
 योऽग्निं नाचिकेतं चिनुते ॥ 121

T.B. 3-11-10-4

य उ चैन-मेवं वेद । संवत्सरो वा अग्नि नाचिकेतः ।
 तस्य वसन्तः शिरः । ग्रीष्मो दक्षिणः पक्षः ।
 वर्षाः पुच्छं । शर-दुत्तरः पक्षः ।
 हेमन्तो मद्ध्यं । पूर्व पक्षाश्चितयः ।
 अपर पक्षाः पुरीषं । अहोरात्राणीष्टकाः ।
 एष वाव सोऽग्नि-रग्निमयः पुनर्णवः । अग्निमयो ह वै पुनर्णवो भूत्वा ।
 स्वर्गं लोक-मेति । आदित्यस्य सायुज्यं ।
 योऽग्निं नाचिकेतं चिनुते । य उ चैन-मेवं वेद ॥ 122

(T.B. 3-11-10-1 to T.B. 3-11-10-4 अमुं तया लोक-मभि जयति शिरः
 चिनुत इष्टका षट्च)

22. ऋचां प्राची

T.B. 3.12.9.1

ऋ॒चां प्रा॑ची॒ मह॑ती दि॒गु॒च्य॑ते । दक्षि॑णा -माहु॒ र्यजु॑षा-मपा॒रां ।
अथ॑र्वणा-म॒ण्डि॑रसां प्र॒तीची॑ ॥ सा॒म्ना-मु॑दी॒ची मह॑ती दि॒गु॒च्य॑ते ।
ऋ॒ग्भिः पूर्वा॑ह्ने दि॒वि दे॒व ई॑यते । य॒जुर्वे॑दे तिष्ठति म॒द्ध्ये अ॑हः ।
सा॒मवे॑दे-नास्तमये॒ मही॑यते । वे॒दै-रशू॑न्य-स्त्रि॒भिरे॑ति॒ सूर्यः॑ ।
ऋ॒ग्भ्यो जा॒ताः सर्व॑शो मूर्ति॑-माहुः ।
सर्वा॑ गति॒ र्याजु॑षी॒ हैव॑ शश्वत् ॥ 123

T.B. 3.12.9.2

सर्वं॑ तेज॒ स्साम॑रूप्यं ह शश्वत् । सर्वं॑ हे॒दं ब्र॑ह्मणा है॒व सृ॑ष्टं ।
ऋ॒ग्भ्यो जा॒तं वैश्यं॑ च॒वर्ण॑-माहुः । य॒जुर्वे॑दं क्षत्रि॒यस्या॑-हुर्यो॒निं ॥
सा॒मवे॑दो ब्रा॒ह्मणा॑नां प्र॒सूतिः॑ । पूर्वे॑ पूर्वे॒भ्यो वच॑ एत-दू॒चुः ।
आदर्श॑-म॒ग्निं चि॑न्वानाः । पूर्वे॑ विश्व॒ सृजो॑ऽमृताः ॥
शतं॑ वर्ष॒ सह॑स्राणि । दी॒क्षिता॑ स्सन्न-मा॒सत ॥ 124

T.B. 3.12.9.3

तप॑ आ॒सीद् गृ॒हप॑तिः । ब्र॒ह्म ब्र॒ह्मा॑भवत् स्व॒यं ।
स॒त्यञ् ह॒ हो॑ तै॒षा-मा॑सीत् ॥ यद् वि॒श्वसृ॑ज आ॒सत॑ ।
अ॒मृत॑-मै॒भ्य उ॑दगायत् । स॒हस्रं॑ परि॒वथ्स॑रान् ।
भू॒तञ् ह॒ प्र॒स्तो-तै॒षा-मा॑सीत् । भ॒विष्य॑त् प्र॒ति चा॑हरत् ।
प्रा॒णो अ॑द्ध्व॒र्यु-र॑भवत् । इ॒दञ् स॒र्वञ् सि॑षासतां ॥ 125

T.B. 3.12.9.4

अ॒पा॒नो वि॒द्वा-ना॑वृतः । प्र॒ति प्रा॑तिष्ठ-द॒ध्वरे॑ ।
आ॒र्त्त॒वा उ॑पगा॒तारः॑ । स॒दस्या॑ ऋ॒तवो॑ऽभवन् ।
अ॒र्द्ध॒मा॒साश्च॑ मा॒साश्च॑ ॥ च॒मसा॑-द॒ध्वर्य॑वोऽभवन् ।
अ॒शञ् स॒द् ब्र॑ह्म॒ण-स्ते॑जः । अ॒च्छा॒वाको॑ऽभवद् य॒शः ।
ऋ॒त-मै॑षां प्र॒शास्ता॑ऽसीत् ॥ यद् वि॒श्व सृ॑ज आ॒सत॑ ॥ 126

T.B. 3.12.9.5

ऊ॒र्ग॑ रा॒जा॒न॒-मु॒द॒व॒ह॒त् । ध्रु॒व॒ गो॒प॒ स्स॒हो॑ऽभ॒व॒त् ।
ओ॒जो॑ऽभ्य॒ष्टौ॒द् ग्रा॒व्णः॑ । यद् वि॒श्व॒ सृ॒ज॒ आ॒स॒त ।
अ॒प॒चि॒तिः॑ पो॒त्री॒या॑-म॒य॒ज॒त् । ने॒ष्ट्री॒या॑-म॒य॒ज॒त् त्वि॒षिः॑ ।
आ॒ग्नी॑द्धा॒द् वि॒दु॒षी॑ स॒त्यं । श्र॒द्धा॒ है॒वा॒ य॒ज॒थ् स्व॒यं ।
इ॒रा॒ प॒त्नी॑ वि॒श्व॒ सृ॒जां॑ । आ॒कू॒ति॑-र॒पि॒न॒ड्ढु॒विः ॥ 127

T.B. 3.12.9.6

इ॒ध्म॑ ह॒ क्षु॒च् चै॑-भ्य॒ उ॒ग्रे॑ । तृ॒ष्णा॒ चा॒ व॒ह॒ता॒मु॒भे॑ ।
वा॒गे॒षा॑ सु॒ब्र॒ह्म॒ण्या॑-सी॒त् । छ॒न्दो॑ यो॒गान्॑ वि॒जा॒न॒ती ।
क॒ल्प॒त॒न्त्रा॑णि॒ तन्वा॑ना-हः । स॒थाश्च॑ स॒र्व॒शः॑ ।
अ॒हो॒रा॒त्रे॑ प॒शु॒पा॒ल्यौ॑ । मु॒हूर्ताः॑ प्रे॒ष्या॑ अ॒भव॑न् ।
मृ॒त्यु॒स् तद॑-भ॒व॒-द्वा॒ता । श॒मि॒तो॑-ग्री॒ विशां॑ प॒तिः॑ ॥ 128

T.B. 3.12.9.7

वि॒श्व॒सृ॒जः॑ प्र॒थ॒मा॒ स्स॒त्र-मा॑सत । स॒ह॒स्र॑ स॒मं प्र॑सु॒तेन॑ य॒न्तः॑ ।
 ततो॑ ह॒ जज्ञे॑ भु॒वन॑स्य गो॒पाः । हि॒र॒ण्म॑य॒ इ॒श॒कु॒नि॒ ब्र॒ह्म॑ नाम ।
 येन॑ सू॒र्य-स्त॑पति॒ तेज॑से-॒द्धः॑ । पि॒ता पु॒त्रेण॑ पि॒तृ॒मा॒न् यो॒नियो॑नौ ।
 नावे॑दविन् म॒नु॒ते तं बृ॑ह॒न्तं॑ ॥ सर्वा॑नु॒भु-मा॒त्मान॑ꣳ संप॒रा॒ये ।
 ए॒ष नि॒त्यो म॑हि॒मा ब्रा॑ह्म॒णस्य॑ । न क॑र्म॒णा व॑र्द्धते॒ नो क॑नी॒यान् ॥ 129

T.B. 3.12.9.8

तस्यै॒वा-त्मा॑ प॒द॒वित्तं॑ वि॒दित्वा॑ । न क॑र्म॒णा लि॑प्यते॒ पाप॑केन ।
 पञ्च॑ पश्चा॒शत॑-स्त्रि॒वृ॒त॒ स्सं॑वत्स॒राः । पञ्च॑ पञ्चा॒शतः॑ पञ्च॒द॒शाः ।
 पञ्च॑ पञ्चा॒शत॑ स्स॒प्त॒द॒शाः । पञ्च॑ पञ्चा॒शत॑ ए॒क॒वि॒ंशः॑ ।
 वि॒श्व॒सृ॒जाꣳ स॒ह॒स्र॑ सं॒वत्स॑रं । ए॒तेन॑ वै वि॒श्व॒सृ॒ज इ॒दं वि॑श्व-म॒सृ॒जन्त॑ ।
 यद् वि॑श्व-म॒सृ॒जन्त॑ । तस्मा॑द् वि॒श्व॒सृ॒जः॑ ॥
 वि॑श्व-मे॒ना-न॒नु प्र॑जायते । ब्र॒ह्म॒ण स्सा॑यु॒ज्यꣳ स॒लो॒कतां॑ चि॒न्ति॑ ।
 ए॒तासा॑मे॒व दे॒वता॑नाꣳ सा॒यु॒ज्यं॑ । सा॒र्षि॒ताꣳ स॒मा॒न लो॒कतां॑ चि॒न्ति॑ ।

अभिश्चरणमन्त्र पाठः

यए॒त-दु॒प॒य॒न्ति॑ । ये॒ चैन॑त् प्राहुः । येभ्य-श्चैन॑त् प्राहुः ॥ ओं ॥130

(T.B. 3-12-9-1 to T.B. 3-12-9-8अश्चदासत सिषासता-मासत
ह॒विष्॑ प॒तिः क॒नी॒या॒न् तस्मा॑द् विश्व॑सृजो ऽष्टौ च)
॥ हरिः॑ ओं ॥

-----अभिश्चरणमन्त्र पाठ स्समाप्तः-----

“Chain” indicating starting “padam” of all the “Chapters” in
Abisravanam.

सह॑स्र॒शीर्षा॑- मद्भ्यः-सह॑स्र॒शीर्ष- मृतं-कृ॑णुष्व -
रक्षो॑हणः-सो॒मा॒यो-श॑न्तस्त्वा-भक्षे॑हि-ध्रु॒वाऽस्य॑ग्न-
उद॑धे शिरो-ऽसा॒वादि॑त्य- संत॑ति-र॒क॒वि॒श-
इन्द्रो॑-वैश्व॑दे॒वेना॑- ऽग्न॑य-उ॒श॑न्तस्त्वा-य-मु॒श॑न् ह-
त॒ ह - यां प्र॑थ॒मा-मृ॒चां प्रा॑ची चतु॑ वि॒शतिः॑ ॥

Begining and ending “padam” of Abisravanam.

सह॑स्र॒शीर्षा॑ पु॒रुष॑ ओं ॥